

卷

九百一

六十卷



文苑英華卷第九百六十一

誌二十七

雜一

王勣自撰墓誌一首

楊去盈墓誌一首

楊去溢墓誌一首

梁錡墓誌一首

陳明經元敬墓誌一首

高氏子墓誌一首

陳孜墓誌一首

自撰墓誌銘

王勣集作績

王勣者有父母無朋友自為之字曰無功焉或問之箕踞不對

蓋以有道於己無功於時也不讀集作書自達理不知榮辱不

計利害起家以祿仕歷數職而一進集作進集作才高位下免責

而已矣集作天子不知公卿不識四十五十無聞焉於是退歸

以酒德遊於鄉里往往賣卜時時著集作書行若無所之坐若

無所據鄉人未有達其意也嘗耕東臯世集無號東臯子身死之日自為銘焉曰

有唐逸人太原王勣若頑若愚似矯似激院止三逕堂准四壁

不知節制焉有親戚以生為附贅懸疣以死為決疣潰癰無思

無慮何去何從壠集作龍頭刻石馬鬣裁對哀哀孝子集作子空對

長松

揚集作從弟去盈墓誌銘

揚炯

古者黃帝軒轅氏沒帝嚳高辛氏作幼而徇齊長而敦敏則天

下之人用其教者百年肅恭懿宣慈惠和恭則天下之人謂之

集作稱其才者八子黃鳥旗而白魚躍集作燎有周武之興王彤弓一

而茲矢千有晉文之啓霸雖隱集作出公遜位哀侯失國而文之

昭也武之穆也司徒為五教之官有杜稷焉有黎人焉丞相臨

萬機之職峻丞鼎盛赫奕於朱輪河洛台階昭彰於白玉積善

餘慶信而有徵國子進士楊去盈字流謙弘農華陰人也曾祖

諱初周大將軍隋宗正卿常州刺史順陽公皇朝左光祿大夫

華山郡開國公食邑本鄉二千五百戶唐虞之稷契魏晉之裴

王晏嬰可以事百君臯繇為之暮九德麾蓋兵馬人知牧伯之

尊名山大川集作地積公侯之氣王考諱安偽鄭王克集作通遙

授二十八將封鄆國公尋謀歸順為充所害皇朝贈大將軍旌

忠烈也陶謙雅尚祖述雄心會天子之蒙塵見諸侯之釋位雖

陳平去就潛懷杖劍之謀而石勒凶殘遂及推墻之禍父某潤

州句容遂州長江二縣令朝散大夫行鄧州司馬文武兼備清

明集作白在躬一作體人無間言位不充量四方取則孔宣父之踐

中都百里非才龐士元之登別駕若夫庭生玉樹身帶金鏢有

衛玠之風神有張良之容貌蔣琬之機盛元集作責在司空陳

蕃之對薛勤志清天下觀其昏定晨省立身揚名恠草對其休

徵神魚會其冥感莊公獨歎聞穎叔之純深有道相推見茅容

之盡禮則閨門雍睦以孝聞也輔仁會友合志同方晏平仲之

善交鮑叔牙之知我張琪集作死日妻子唯託於朱暉劉惔生

平風月每思於玄度則朋友之德若蘭芬集作也朱穆好學中

食忘食譙周研精欣然獨笑張華四海之內若指諸掌班固百

家之言無不窮究鈞深致遠悅丘墳也八音繁會五色章明動

天地而感鬼神序人倫而成孝敬陽臺並作楚襄王賜雲夢之

田上林同時漢武帝給尚書之筆則瓊敷玉藻未足多集作也

自攝齊東序撰杖西膠唯集作宰我之能言貴顏回之有德成

如麟角道尊於壁水之前翼若鴻毛俯拾於金門之下方將咫

尺宣室扈從明庭申賈誼之忠謹畫揚雄之規課豫章七載擢

脩幹而聳長條有鳥三年搏積集作風而運滄海豈期數有迤

否天無早白苗而不秀秀而不實者蓋有是夫古人有言没而

不朽者此之謂也春秋二十有六以上元三年五月二十二日

没集作于京師勝業里嗚呼哀哉至儀鳳四年十二月二日歸

葬於華陰之某原不忘本也山河鬱鬱松柏蒼蒼骨肉閉兮歸

后土魂魄遊兮思故鄉三荆搖落五都悲涼痛門戶之無主悼

人琴之兩忘嗚呼哀哉其其字集銘曰

高掌遠蹠濁淫集作清渭天子諸侯司徒大尉星辰鼓舞山澤

通氣道在者尊德成為貴賈家五虎後漢黨錮傳賈彪兄弟賈

江掇於道德依集作於家邦子之承親温席扇枕子之友悌同

與共寢朝歌不入盜泉不飲垂露崩繁絃縛錦明經大學射策  
鴻都揚名對揚天子高揖司徒鱗翮將運波濤不虞子之集作  
喪也良可悲夫瞻望不及佇立以泣唯見黃埃心傷以推躑躅  
兮徘徊嗚呼兮哀哉長夜漫漫何時旦魂兮歸去來

揚集作去溢墓誌銘

前人

處士弘農楊去溢年二十即華山公之曾孫大將軍之孫朝散  
大夫鄧州可馬之第四子也維嶽有五有華山之金石焉山阜  
相屬含集作谿懷谷所以鎮其南也維瀆有四有河宗之玉壁  
焉波瀾集作潮波泪起洄洑萬里所以經其北也言其土地則臣靈  
之高掌遠蹠作西漢之城池叙其衣冠則大尉之四代五公為  
東京之柱國然後積勲累德枝分葉散大君有命臨夏日之壇  
場天子動容聽秋風之懿範集作是以熊羆入兆羔鴈成群黃

憲之名聞於海內陳蕃之志掃於天下群童忽聚逢苦李而懸  
集作知客賓相過問揚梅而即對善父母為孝善兄弟為友居  
家可移之道也利者義之和貞者事之幹元亨日新之德也若  
夫節陵遺策汲冢殘書倚相之八索九丘張華之千門萬戶莫  
不山藏海納學無所遺至如白雪迴光清風度曲崔亭伯真龍  
之氣揚子雲吐鳳之才莫不玉振金聲筆有餘力遠心天授高  
與生知盡江海之良圖得煙霞之秘筭貞不絕俗從容於名教  
之場道由人弘坐臥於羲皇之代于時朝廷之上山林之下英  
孺瞻聞集作之士洪筆麗藻之容希末光而影集聽餘聲而響  
和者猶藩籬之望天地鱗介之宗龜龍也嗟乎陰陽為道大道  
無亭毒集作之心禍福唯人聖人有抑揚之教智焉而斃仁焉  
而終今也則亡歎顏回之短命死而可作冀隨會之同歸文不

在茲乎天之將喪也以其年某月某日終於某所越儀鳳四年十月二日歸葬於華陰之某原林野彌望閔山寥廓樵童牧豎孟嘗君之池臺一去千年丁令威之城郭悲纏於魯衛痛深於花萼姜肱沒齒無因共被之歡鍾毓生年非復同車之樂嗚呼哀哉乃為銘曰

叔虞建國天賜之唐伯僑受氏食菜於于集作楊五侯簪蔽四代軒裳有德有行如珪如璋乃生男子初集作寢之抹從公小大辨日炎涼天下之寶邦家之光神鋒太俊旗鼓相當事親以禮左右無方交集作朋以信芝蘭有芳文犀健筆白鳳彫章鵬鷄齊致江湖兩忘謂天輔德則惟其常穢我吉士于何以傷閔山摧殘玉樹埋沒金鄉交交黃鳥爰集於桑命不可贖人之云亡

從甥梁錡墓誌銘

前八

故右衛率府翊衛安定梁錡年三集作十有八以上元三年秋八月某日終於某所圖其景宿天有大梁之星辨其物土地有大梁之國考其衣冠人有大梁之姓綜乾坤而列位兼水木集作土而成文業耕織而樂琴書有梁鴻之雅尚生封侯而死廟食有梁竦之雄圖西山求白鹿之仙東海受黃蛇之寶曾祖某光祿大夫開府儀同三司驃騎將軍清河太守右衛大將軍同州刺史上柱國郡守旁通於日集作建儀同上法於太階光祿大夫下大夫之職驃騎將軍大將軍之比祖某河南滎池令鄭州司功叅軍事冀州蒲州二州集無司馬朝散大夫紀王府司馬襄州同知二長史仲由宰邑蕭何主吏栢温之徵謝奕暫為司馬之官周景之禮陳蕃仍降題與之命考某國子學生霍王府

參軍并州大都督府兵曹揚州大都督府錄事參軍仲尼閉居  
曰參不敏天子命我參卿軍事張常山之福應真保金鈞謝太  
傳之閨門唯生玉樹所以圓光折水真集作氣衝天孩笑之時  
見之者知其孝友能言之際聽之者許其集作以聰明審清河輅  
之天文對江夏黃童之日蝕揮其勁翮則鳳凰飛鳴集作鳴於赤  
山整其蘭筋則駿馬騰驤於祿集作陸地若夫神龍負卦瑞雀御  
書安釐王汲冢之文穆天子羽陵之籍莫不因條振葉望表知  
裏鄭玄彈見覽萬卷之八千班固洽聞涉五經之四部至如瑠  
孤夜月筋力集作角三材鉄劔秋霜煙雲五色莫不推之智勇成  
以集作於揖讓歷諸侯而說劔直之無前引司馬而操弓觀者如  
堵可謂多材天縱盛德日新曼倩不讓於詩書翁歸兼集作自強  
於文武由是交通遂廣聲名益振朱家大俠滕公有然諾之言

劇孟過人表益有逢迎之禮及其從微至著資父事君籍集作策

丹書之勲業參黑衣之行五神集作位宮海外瞻鏤榜於明山太

室雲端聽集作奏仙簧於洛水翊駕馳道周廬觀方當奉詞出使

萬里行封受命忘身三軍拜將豈期年歲朝露浮生過隙漢逸

人之雅操命也如何魯司寇之知言苗而不秀嗚呼哀哉望吾

子者空懷倚廬之歎嗟余弟者獨有忘琴之悲從日月於龜謀

考圖書於馬鬣集作書於鳥集作鳥越以儀鳳三年春二月日甲子葬於

其所悲夫吾見其進由來孔季之家吾謂之甥實曰何劉之族

陽元既沒瞻舊宅而無成康伯不存對玄言而誰與其銘曰

山河帶礪金木精靈磊磊集作鬱鬱千丈森森五兵駢駢西掖出入

東明人壽無幾皇天不平碑留郭泰挽送田橫終寂寥於相宅

空歎息於佳城

陳明經文粹作我府君有周居士文林郎陳公墓誌銘 陳子昂

公諱元敬字其先陳國人也五世祖太樂梁大同中為新城

郡司馬生高祖方慶方慶好道得黑子五行祕書白虎七變法

遂集粹無此字隱於郡武東山生曾祖湯湯為郡主簿湯生祖通通

早卒生皇考辨為郡豪傑公河目海口頽集作鷲文粹作欽後漢周熒欽願注欽或

作頽立願虎頭文粹作頽性英雄而志尚玄默群書祕術集粹無所

不覽年弱冠早為州閭所服耆老文粹作長童幼見之若大賓二十

一鄉貢明經擢第拜文林郎屬憂艱不仕潛道育德穆其清風

邦人馴致如衆鳥之從鳳也時有決訟不取州郡之命而信公

之一言四方豪俊望風景附朝廷聞名或以君為西南大豪而

不知深慈恭懿敬讓以為德二字文粹作得也州將縣長時或為集作

議青園龍癸未唐曆云微公乃山棲絕穀放息人事餌雲母以

怡其神居十八年玄圖文粹作圖大天集作象無所不達嘗宴集有坐

謂其嗣子子昂曰吾幽觀大運賢聖生有萌牙特發天下乃茂

六字集粹作時發乃茂不可以智力圖也氣同萬里而遇合不同造膝而

悖古之合者百無一焉嗚呼昔堯與舜合禹天下得之四百餘

年湯與伊尹合天下歸之五百年文王與太公合天下順之四

百年函厲版蕩天紀亂也此文粹無字聖賢不相逢文粹有字老聃仲

尼淪弱溷世不能自昌固有國者享年不永彌四百餘年戰國

如磨集粹作磨至于赤龍赤龍之興四百年天紀復亂胡夷集作胡夷奔

突賢聖淪亡至于今文粹有四百年矣天意其將周復乎於戲吾

老矣汝其志之太歲己亥享年七十有四七月七日己未隱化

于私宮集粹作孤子子昂愚暗集粹作昧鞠然在疚不知所從乃祇馴

聖人卜宅之義是歲十月己酉遂開拭旧瑩奉寧神於此山石



佛文粹作仙谷之中岡也銘曰

賢者避地邈其如集粹無往兮鳳兮鳳兮誰能象兮嗚呼我君

懷寶不識集粹無孰知其深廣兮悠悠白雲自怡養兮大運不齊

聖賢同同字集兮南山四君不遭漢天子固亦商丘之遺壤兮

集有此十五字文粹英華並無

高氏子集作上殤高氏

前人

維唐垂拱二年太歲景戌七月二十日殤子高氏卒焉集無嗚

呼哀哉含瓊敷而不玉寶者有矣夫吾觀顛元機化出入夭壽

之數榮落之原皆一受而不易者已悲夫古人之仁懿中庸不

幸短折集作今復見之於高子矣集無生而岐嶷實覃實晬集

華越在襁褓神明滋茂童蒙淵敏光潤玉顏八歲始教方書受

甲子已知孝悌之道詩禮之規宛丘府君鍾愛之他日嘗趨庭

與諸兒戲神情涵泳綽然如鴻鷓鴣子有青雲之意也府君美

之曰能光我家者此兒十五通左氏春秋及尚書淵塞集作

志日新宏大矣不幸享年十七遇暴集無疾而夭嗚呼哀哉宛

丘府君感慟哀過於禮曰不恨爾壽之不長惜爾器之不彰天

何苗裔今也則亡嗚呼吾將老矣爾遠何哉其年七月殯於家

園日月玄但六載于茲矣天授集作二年龍集辛卯府君方大

崇元域以安先兆諸子之柩皆附焉其年二集作月癸卯朔十

八日庚申啓殯歸瘞於大塋禮也銘曰

來不可遏去不可止唯死與生由生與集作死於戲殤子噫

何往矣傷慈父之肝情獨冥冥而長已死而有知可也若其無

知悲爾

陳集作第攷墓誌銘

前人

君諱攷字無怠其先陳國人也五代祖太樂梁大同中為本郡  
大司馬生高祖方慶屬梁亂始居新城郡武東山生大父湯為  
郡主簿大父生曾祖集作通非早卒通生皇祖辨少習孺學然以豪  
英剛烈著聞是以名節為州國所服皇祖生考元爽保食集作植  
先人茂德降生於君君幼孤天姿雄植英秀獨茂集作邁性嚴簡  
而尚個儻之奇愛廉貞而不拘介獨之操始通詩禮略觀史傳  
即懷執物之標希曠代之業故言不宿諾行不苟從率身克已  
服道崇德閨門睦睦字集作穆穆如也鄉黨恂恂集作恂如也至乃雄以濟  
義勇以存仁貞以立事毅以守節獨斷於心每若由已實為時  
輩所高而莫敢與爭倫倫字集作倫字以是鄉里長幼望風而靡邦國  
賢豪聞名而悅服方謂拂羽喬木緬昇高雲而遭命大過棟橈  
而殞嗚呼天咎予乎時年三十五是歲龍集癸巳有周天授三

年

集作二年按唐書天授三年四月改元秋七月卜地集作不長壽是歲壬辰長壽二年乃是癸巳

吉權殯於真諦寺之北園始以今甲午歲獻春一月乙酉朔二

十五日巳酉窆於石溪山之北陪考域墳集作墳也君家世墳壠

在武東山昭穆宗封松柏成列集作列盛至若集作無君考遺令獨愛

石溪之罔故君從先志祔葬于此嗚呼哀哉始君伯父海內之

文人也含紀綱集作綱之德有高代之行每見君歎曰吾家世雖

孺術傳嗣然豪傑英雄季世不泯集作豪英雄秀世濟不泯常懼後來光烈

不象先風每一見爾慰吾家道實謂君有逸群之骨拔俗之標

超山越壑可以駿邁也豈其天絕喪茲良圖嗚呼其元命歟遭

命歟天下不祐集作忱歟道固謬歟大圓蒼蒼大方茫茫賢聖同

此之於爾三字集作爾之何傷古人有言珠玉瘞之集作瘞是暴骸於中

原况吾家道尚儉名訓未墜封樹之禮吾敢過焉是用錫爾瓦

木之器塗芻之靈堯舜之典忠孝之經昭示後代以安爾形銘

曰

我祖之歲蕤兮邈於陳緬遙裔兮此江濱集作五代崇光兮至

夫君徽列英曜兮始氛氲集作何意嚴霜兮降青春玉樹摧落

兮成黃塵南山無隙兮永幽淪悠悠昭代兮非集作爾辰吾慟

感傷兮哭集作蒼旻問之耆策兮立茲墳乃言千歲集作兮寇

集作來臻黃頭之子白眼集作人嗚呼集作黃頭兮勿傷神

文苑英華卷第九百六十一

登仕郎胡柯鄉貢進士彭叔夏校正

文苑英華卷第九百六十二

誌二十八

雜二

張處士恪墓誌一首

徐氏子巖墓誌一首

殤子韋八墓誌一首

鄭處士稷墓誌一首

李修墓誌一首

殤子穆若愚墓誌一首

裴處士墓誌一首

侯處士高墓誌一首

鄭君子晚墓一首

駱處士峻墓誌一首

盧秀才需墓誌一首

龔進士軺墓誌一首

處士張府君墓誌銘

張銳

府君諱恪其先晉人晉有張老韓有開地漢有漢有留侯侯八代孫皓為司空子宇北平為太守遭漢亂離家于范陽至玄孫華復為晉司空遇難子孫南渡其處者或寓於蒲坂周齊間有

歸者因從一有焉君晉司空十一代孫也曾祖徵君諱子犯祖  
 河東郡從事諱駿集作俊父通道館學士諱弋德音遺範詳諸家  
 謀君孤紹單門傍無兄弟苗而不秀未仕而卒道未融於邦國  
 位未揚於王庭故老之口浸遠好事之書又闕是後生不得預  
 聞焉哀哉嗣子晉州洪洞丞隲襁褓縶麻育於舅氏夫人隴西  
 董氏常州長史雄之女也早年守義唯鞠一子嚴而有檢勤而  
 善訓成先人之丕烈貽後嗣之積善微太夫人德則張氏幾將  
 墜焉開耀元年十二月二十七日終于集作於郟城縣世婦馮氏  
 之別業春秋七十有二先君之違世也太夫人在堂大門在殯  
 日月逾邁有志未從是諸孫疾焉若履淵谷以景龍三年歲次  
 己酉冬十月二十六日克葬王父王母於蒲坂東司空之村成  
 先志也銘曰

綿綿王父續我靈基幼而殖德人莫知之烈烈王母克明克類  
 教成鸞子光我族嗣中條之北大河之東丘陵桑梓鬱鬱崇崇  
 千年啓室百歲來同永惟先志欽成厥終

徐氏子墓誌銘

前人

徐氏子者名巖字某司封員外郎堅之第四子也驥子睨雲鳳  
 毛洗日孝友因性聰敏若神置在膝前已會星辰之氣戲於沫  
 下能記賓主之詞及物角成童精意好學問一知十外堂覩與  
 下筆成章而倫要發言為論而卓詭識者咸謂增世構之崇蘊  
 益源流之洪潤雖甘茂之孫十二飛辨班彪之子九歲能文不  
 尚之也天乎何辜顏頤無命年十有三歲大足元年九月遭疾  
 而沒嗚呼哀哉凋月始生不見其盈瓊枝方秀不見其茂悲哉  
 銘曰

生日何淺死路何深珠碎眇月花殘稚林哀哀父母孰處其心  
獨孤及

殤子河南獨孤氏小字韋八以其弱而未名也故以字稱北齊

司徒行臺尚書令臨川郡王之七代孫有唐安南郡長史府君

之曾孫穎川郡長史府君之孫左驍衛兵曹參軍公之元子祕

書省著作郎京兆偉偉字集之甥生有奇表温朗集作聰秀單

訂於保姆傳婢之手嶷然異於凡童氣閑體和取與必時諸父

諸姑每謂與我家者必此兒也賓客之至者看玉人不暇蒙集

此假以壽命則成器致位未易度也不幸多病大曆六年歲次

辛亥集作十二月二十二日夭于舒州壽至集作五歲三集作

十甲子長幼惋毒六親悼惜嗚呼天將不昌吾後裔乎不然曷

使此孩不至於集作成歟大曆八年夏四月十六日以其喪歸

葬洛陽祔于王父集母集字有宅兆之側其仲父銜涕書其始終紀于

墓云

此篇誤編在九百六十六卷婦人門今移于此

鄭處士墓誌

梁肅

歲在戊午六月戊子處士滎陽鄭君卒于常州福業寺庚寅權

窆于其鄉原嗚呼處士之為人也入則孝出則悌直而不犯柔

而不攝好讀周易及太史公書嘗遊於集無南巢作弔夏桀文

其辭甚典集作正集作足見其質嚮使天假之壽與之祿則其道可

熾坎壈世故行年三十三集作而夭哀哉處士諱稷故酸棗令

某之孫今黃巖令季江之子故吏部侍郎贈左僕射齊公澣之

外孫也合內外之休德成中和之茂行使夫生不得其辰沒不

見其親託遺骸於他土顧稚子而未識痛矣夫斯命也於是書

石以誌卒葬且懼年祀超忽故月而日之

李係

集作龐西李君

墓誌

前八

君諱係姓李氏隴西成紀人京武昭王玄盛之後曾祖如順皇朝太子洗馬生大父元恭元開中以文學政事歷大理卿判尚書吏部侍郎侍郎生烈考訥官至大府寺丞君承家集作休緒少有不聞孝敬仁順弘毅貞亮非禮不言見善必行行有餘力則覃思六經揭厲百氏是故淳秀之氣播為文章發於事業難於進易於退道不苟行位不虛受常州刺史獨孤公及之臨舒城聞而悅之辟為集作如團從事府遷於常州君亦至焉獨孤公文德為天下望君入則從容討論出則勤慮政事議者以君建大名致厚位必自此始不幸短命享年若干以大曆十二集無此字年春三月甲子寢疾而沒焉集無此字嗚呼天與之才天集無本與

之器不與之壽不與之位天何言哉君娶范陽盧韶女一子越在襁褓哭泣無主其仲兄武進尉迅銜天倫之哀謀及卜筮以是月既望抱其孤送君之喪權窆于正勤佛寺之北原時不利不克反葬集作喪故也友人安定梁肅紀其終始德善著于石碑來者有以知君子之墓云

殤子穆若愚墓誌

穆負

穆若愚唐祕書監新安公之孫前御史中丞公之第五子貌宜貴壽神宜才藝氣宜淑哲生七子而夭痛莫如之時諸父不天方集荼蓼一慟之外且相論曰老氏謂身為大患然則人生也適與患并男子既亂以往患於是始此子也生無有生之患沒無有患之樂一作生無死之患歎然與大化潛契曠然與太古為鄰齊彼彭聃同歸坯土命也如何偃師首陽山之北原吾祖宗

之所宅翌日遷祔于先府君之後又翌日窆焉貞元十一年六月二十五日叔父負記

裴處士墓誌

前人

唐貞元四年春正月貞大夫夫人惟杜氏西階之事命長子贊咨于家君習于卜筮展孝思於罔極抒孔懷於同氣躬備如新之物庶物泊一日二人具授從父之弟湊浮舟于河啓殯于淇二月癸巳舅氏奉我外王父朝城府君王母豐縣君劉氏泊伯舅之喪至自衛先是卜兆于偃師首陽山之北原壬寅遷朝城豐君歸于真宅伯舅祔焉伯舅諱浩字某皇朝并州石艾縣丞文行曾孫絳縣令玄度孫魏州朝城令翔之第二子也孝悌篤實可移於事君肅恭信順可施於有政行成於退而名未之歸學優於用而祿未之及天寶末天下亂藏於衛州之別墅昏氛四塞豺虎信信行無所從退迫啞噬殷憂不壽發疾而終時至德三年二月二日春秋三十有五夫人京兆常氏挈未童之孤曾是逃鋒刃保保朝夕之不遑而踰月之禮蓋闕乃於其所殯焉我慈親念羈魂之靡託者心不忘痛永言葬與大事俱世道多故坎壈未集嗣子佐餘力能學含章而文仕潤州參軍杭州司田鉞在東南計之靡及夫人後元年棄養於潤州官舍將謀同穴蓋時趣道遠如佐之不至且俟佐焉然則夫人之家聲美行請讓於來者之誌銘曰

嗚呼沒而無知也盡我慈親之情成尔孝子之志而已矣如有知也父母與子相見泉隧其樂融融其樂洩洩彼美家室昔如琴瑟他年令嗣祔玄堂使我長夜觀白日

處士侯君墓誌

李翱

侯高字玄覽上谷人少為道士學黃老煉氣保形之術居廬山  
號華陽居士每激發則為文達意其處駸駸乎集有漢魏之風  
性剛勁懷救物之畧自儕周昌王陵所如固不合視貴善宦者  
如糞溲與平昌孟郊東野昌黎韓愈退之隴西李渤濬之河南  
獨孤即用晦隴西李翱習之相往來汴州亂兵士殺留後陸長  
源東取劉逸淮乃作弔汴州文投之大川以訴貞元十五年翱  
遇玄覽於蘇州出其詞以示翱翱謂東野曰蜀本有我字誠之至者  
必上通上帝聞之劉逸淮其將不及後數月而劉逸淮竟死其  
首章曰穹穹與厚厚兮烏憤予而不據翱以為與屈原宋玉景  
差相上下自東方朔嚴忌皆不及也達奚撫為楚州起攝盱胎  
祭酒李公遜刺衢州請治信安其觀察浙東又宰于剡三縣皆  
有政不幸得心疾留其子狗兒於翱家而歸廬山不到卒江西

其子壻王適使傭吉勉求君所如蜀本知值君卒吉勉以君喪殯  
於襄州之野而復於適適又死適之妻使吉勉來告於翱翱以  
狗兒歸適妻居三年適妻又死狗兒尚童翱慮吉勉之短長不  
可期則君之喪終不墳矣故使吉勉往葬之而識其墓以示狗  
兒

有唐君子鄭公墓誌銘

歐陽詹

貞元十一年歲在乙亥某月日清源郡晉江縣君子鄭公年若  
干終於其居州閭親識遠近連涕重吉人也嗚呼杞梓植於深  
林雖人不知不妨其為天下之材也珠玉碎於重泉雖人未玩  
不妨其喪天下之寶也公之生則深林之材公之沒則重泉之  
寶不知而有未玩而忘哀哉公諱晚字秀集作季實其先宅滎陽  
永嘉之遷遠祖自江上更徙于閩今為清源晉江人曾祖某官



祖某官父某官大夫人同郡潁川陳氏育者三男三女公則長男也自七八歲則明敏嚴潔無復童心泊十二三則溫良貞亮有成人之德既冠儀喪可觀孝悌惠和侔於前哲人望無間時舉皆歸鳳不近腥龍多自盤優遊仁里四十不試磨有若如集如人之妹獲配公公太夫人早亡集妹不逮事則見公霜露之感蒸嘗之敬公尊府君近捐甘旨妹及同養則見公晨昏之愛綜斬之至奉公居閨門鄉黨者十有五年故集磨於公善良內外兼得受命不永其如命何蘭芳集蕙馨或亦中敗惜哉子二人皆幼公在日名之曰彥方彥章磨既在京師不遂撫慰來人有述實孺能號妻亦聞哀有過人禮不逾制定集取遠日堂殯三年以貞元十三集年某月日永厝于郡城東偏闡儒里常熟湖之北原禮也妹有遠告咨余題誌既忝親集

懿實舊知人江嶺則遐想象不昧取斯集芳茂為寄銘墓誌

云集以寄銘曰

有斐秀集實君子之損忠信溫良自幼而行少不改任長更

推誠材植遠林寶產遐壤無知無玩自生自喪骨肉歸土用瘞

斯原嗚呼斯原永棲君子之魂

駱處士墓誌

杜牧

灞陵駱處士名峻字肅之華州華陰人也當建中四年年二十游京師值此亂為其黨源休拘委以軍集事處士逸一日夕行二百里拜親於華陰因起度賊終不能東出百里間鄉里不足憂願得一見天子於艱危中遂入奉天至漢中屢以兵食干執事者後長安李懷光踵叛關中公私飢李馬渾兵十餘萬計日餉食有司因請授處士岳州巴陵尉繫職於饋運間後四遷

至集作上揚州士曹參軍至元和初以母喪去職哀哭濱死終喪

因日汗音鳥吾跡二十餘年者食豐衣鮮以有養也今可以行吾

志也乃於灞陵東坂集作坡下得永集作水樹以居之相國杜公黃

裳在蒲津相國張公弘靖在并州梁渾尚書在易定潘侍郎孟

陽在蜀之東川司徒薛公萃集作疑萃在鄭滑皆挈早詞幣馬至

門曰處士不能一起助我為治乎皆以疾辭長慶初桂府觀察

使杜公凡兩拜章乞為梧州刺史詔因授之衆皆曰今黃家洞

賊熾邕容兵連敗縮首不出猶鼎鼐耳交趾敘都護復早亂相

仍朝庭豈捐此三處不以公治之而久置公為梧守耶處士慘

而讓祇以疾辭解訖不言其他爾後人知其堅不可復動矣田

三百畝果蔬占其一粹墾辛苦不受一人錢惠朝之名士多造

其廬未嘗以栖退超脫之高露於言色温敬畏下如勇於仕進

者論及當代利病活人綏邊之策必疊疊盡吐冀達於在位者

至於安危機鍵之語默不出尤不信浮圖學有言者必約其條

目引六經以窒之曰是乃其徒盜夫子之旨而為其詞是安能

自為之善圖山水壯鑿者比之朱審王維之儔鄉里百家鬪訟

集作訴凶吉一來決之凡三十六年無一日不自得也以會昌元

年十一月某日卒年七十九以某年月日歸葬於華陰縣先人

之墓處士嘗曰相國劉公晏不急征不橫賦承喪亂集作亂之餘

食數十萬兵者二十餘年斯過蕭何遠矣每長短校量古今富

人強國之術我烈祖司徒岐國公丞相趙國公李公當貞元元

和時儒學術業冠天下每與處士語未嘗不嗟嘆其才恨其尚

壯不可屈以仕優禮接之嗚呼賢哉銘曰

不見可欲使心不亂古之作者窮栖自斷音子伯子至王霸久

臥向榻相趙馬良車煥子夏高弟心中交戰處士之居洛集作落

青門畔文駟連羈繡鞞集作軒交買危冠自喜音戲前集作首縈後絆

言訖揖去一如不見我齒未誰為知集作已知岐公主師見必迎

喜語必移時論兵計食屈指無遺功名富貴不能鈎集作鈎之諸

侯六辟南服一麾笑而不答亦無是非三百畝田實滋繁集作繁

三十六年食具衣完人集作今其去矣誰知其端嗚呼賢哉

范陽盧秀才墓誌 前人

秀才盧生名霈字子中自天寶後三世集作代或仕燕或仕趙兩

地皆多良田畜馬生年二十未知古有人曰周公孔夫子者擊

毬飲酒馬射走兔語言習尚無非攻守戰鬪之事鎮州有儒者

黃建鎮人敬之呼為先生建因語生以先王儒學之道因復曰

自河而南有土地數萬里可如燕趙比者百數十處有西京東

京西東集作京是有天子公卿士人哇居兩京間皆億萬家國皆持

其土產出其珍異時節朝貢一取約束無禁限疑忌廣大寬易

嬉遊於終日但能為先王儒學之道可得其公卿之位顯榮富

貴流及子孫至老不見戰爭殺戮生立悟其言即陰約母弟雲

竊家駿馬日馳三百里夜抵襄國界拾馬步行徑入王屋山詣

諸道士觀道士憐之置之外門廡下席地而處始聞集作開孝經

論語布褐不襪粹草為茹或竟日不得食如此凡十年年三十

有文有學日閑習人事誠敬通達汝洛間士人稍稍知之開城

三年來京師舉進士以集作於圖群輩中酋酋然凡曰進士知名者

多趨之願與之為交生嘗曰丈夫一日得志天子召坐於前以

笏地取山東一百二十城唯我知其甚易耳因言燕趙間山川

夷險教令風俗人情之所短長三十年來王師攻擊利與不利

其所來由明白如彩畫一一可以目睹開成四年客遊代州南歸某月某日於晉州霍邑縣界晝日盜殺之京師名進士聞之多有哭者資其弟雲至霍邑取生喪來長安以其年某月某日葬於南城某縣某鄉某里其所資費皆出於交游間曾祖昌嗣涿州刺史祖頴集作頴易州長史父勸鎮州石邑令某常以生之材節薦生列集無於公鄉間聞生之死哭之因誌其墓

進士龔軺墓誌

前人

會昌五年十二月牧自秋浦守桐廬路由錢唐龔軺袖詩以進士名來謁時刺史趙郡李播曰龔秀才詩人兼善鼓琴因令操流波弄清越可聽及飲酒頗工集作攻章程謹雅而和飲罷牧南去舟中閱其詩有山水閑淡之思後四年守吳興因與進士嚴憚言及鬼神事嚴生曰有進士龔軺去歲來此晝坐客館中若

有二人召軺者軺命馬甚速始跨鞍馬驚墮地折左脛旬日卒余始了然憶錢塘見軺時徐徐尋思如昨日事因知尚殯于野乃命軍吏徐良攻葬于卞山南去州城西北一十五里嚴生與軺善亦不知其鄉里源流故不得記嗚呼胡為而來二鬼驚馬折脛而死哉大中五年辛未歲五月集作日記

文苑英華卷第九百六十二

登仕郎胡柯鄉貢進士彭叔夏校正

文苑英華卷第九百六十三

誌二十九

婦人一

周譙國公夫人步陸孤氏墓誌一首

周趙國公夫人紇豆陵氏墓誌一首

周安昌公夫人鄭氏墓誌一首

周大將隴東郡公侯莫陳君夫人竇氏墓誌一首

周冠軍公夫人烏石蘭氏墓誌一首

周鄭國公夫人鄭氏墓誌一首

後魏荆公刺史賀拔夫人元氏墓誌一首

周長孫都督夫人羅氏墓誌一首

周拓拔儀同夫人尉遲氏墓誌一首

周柴驃騎夫人李氏墓誌一首

周譙國公夫人步陸孤氏墓誌銘

庾信

夫人諱字本姓陸吳郡人也天子拓境百越來庭丞相勒兵三  
江席高祖載為劉義真長史留鎮閩中既沒赫連因即仕魏臨  
終誡其子孫曰樂操土風不忘本也言念爾祖無違此心祖政  
驃騎大將軍儀同三司相州刺史父通柱國大將軍大司馬文  
安公匡贊經綸參謀揖攘名高廣武功重長平夫人七德含章  
四星連曜敬愛天情言容禮典九日登高作銘秋菊三元告始  
或頌春椒年十有四娉于譙國友其琴瑟愈恭節儉之心伐其  
條枚實秉憂勤之德對地登高之錦自濯江波平陽採桑之津  
躬勞蠶月天和元年冊拜譙國夫人東武亭之妻既稱有秩南  
城侯之婦還聞受封柱國殿下以名華分照增城峻王揚旌楚  
道問政邛都白狼之溪途艱黃牛之坂荔枝之山地險葡萄之

國夫人別離親戚閩河重阻夷歌一曲未足消憂猿鳴三聲沾

衣無已

一作有感

是以天厲之疾遂成沉痾玉瀝難開金膏實遠連

德元年七月九日薨于城都私弟春秋二十有即以某年十一  
月二十二日歸葬長安之北原詔贈譙國夫人禮也殿下傷神  
秋月掩淚長松周季直之留書更深冥漠潘安仁之詞藻徒增  
哀怨豈言西河女子獨見銀臺東海婦人先逢金闕銘曰

芟園陵反旆椒山止戈金精據嶺昌閣凌波西遊鄉相東裂山  
河華亭冠冕毅冰絃歌震維徙族燕垂從宦塞入飛狐闕連鳴  
鴈策預登阜功叅臨澗寶屏留銘雕戈餘贊應圖淑令秉禮言  
歸魚軒馮軾澤雉文衣明月照鏡仙石支機行雲細起迴雪輕  
飛北降帝子南麾蜀守若水既開靈山已鏤月峽猿啼江神牛  
鬪星機北轉日轡西迴陽泉伏氣陰律沉灰鶴辭吳氏鳳去奉

臺神光離合燈影徘徊雙流反葬百兩迴旌少女離位夫人去  
城惟堂野設帳殿郊營山川奇事風月無情搖落丘隴荒涼封  
域樹樹秋聲山山寒色草短逾一作平松長轉直節墳方固園  
陵永植

周趙國公夫人紇豆陵氏墓誌銘 前人

夫人諱含生本姓竇扶風平陵人魏其朝議列侯則莫能抗禮  
安豐奉圖功臣則咸推上度外戚列傳既聞建武之書仲山古  
彛或表單于之獻祖畧少保建昌郡公父熾柱國大將軍大宗  
伯鄧國公孟津大誓嘗預同德之臣咸陽違約克贊先登之主  
並得位入六符功參八柄夫人有文在手有象應圖榮曜夙彰  
徽華早茂肅恭以禮受教於公宮言容以德有聞於師氏及乎  
進賢君子內主邯鄲琴瑟在堂輜駟是服長久於節不無秋菊

之銘履端於始或有椒花之頌豈止莊姬掩淚一作楚相知慙

定姜問兆齊兵不入武城二年冊拜趙國夫人漢王聞立義之

婦邑以延鄉齊侯見有禮之妻封之石窰異代同榮差無慚德

柱國殿下居若木之一枝在天漢之別派揚旌玉壘驅傳銅陵

南通向日之民東被無龍之國夫人從政月峽贊德雲門錦濯

江波還臨織室山明石鏡即對粧樓既而玉律頻移金爐不爇

胡香四兩嗟西城之使稀靈草一枝一作恨瓊田之路絕天和

五年四月二十二日薨于成都之錦城春秋二十孫子荆之傷

逝怨起秋風潘安仁之悼亡悲深長輦况復仙臺永別無復簫

聲傳母長歸唯留琴曲七年二月日歸葬於長安之洪瀆原詔

贈趙國夫人禮也雲雨去來既留連於楚后光陰離合實惆悵

於東王銘曰

河西斗絕觀津孤起章武賢臣安豐貴仕木樓千仞金山萬里  
紹慶邢姨基昌宋子施衿趙北待姆秦南絃誕禮數厭狄駢駢  
義超江河仁流葛覃玉筐迎鷓金籠助蠶敬愛純深端莊淑問  
有光國史無形喜愠舉案外恭停機下訓馨馥於蘭年華於舜  
風雨消散神靈離絕嫠女還星姮娥歸月左楹夕奠高朝堂發  
空揚凌波更無迴雪下平曰隰高平曰原西臨水井北望塞門  
猶垂雉服尚駕魚軒平原忽矣天道何言山迴地市路沒滕城  
松悲鶴去草亂螢生新雲別起旧月孤明賢墳永式節隴常貞

周安昌公夫人鄭氏墓誌銘

前人

夫人諱某榮陽武人也周宣王之母弟俾疾于鄭鄭莊公之  
重世卿士於周以國為族自茲而始祖瓊大常恭侯父穆司空  
貞公西京賦詩奉參栢梁之晏東都言讖司空為武衛一作武後漢

王梁傳亦仗符曰梁主備作玄之官籍連帝譜既同盤石門稱

武玄武水神名司空水土官也

通德無廢孺林夫人禮義閨門端莊令淑采采芣苢萋萋葛覃  
及乎作配君子言事舅姑下氣怡聲承巾奉帚親戚惟禮閨闈  
以睦保定二年冊拜榮陽郡君序威升榮從夫有秩豈惟立義

一作之婦邑以延鄉有禮之妻封之石窰大將軍沉犀二江夫

德人聞猿三峽明靈關之阻秋風蜀道之難掩以瑤華先從春露

天和十八年五月二十日薨于成都春秋三十六年詔贈安昌

國夫人禮也即以其年十一月十六日歸葬于咸陽之白起原

遂山迴反壤先封節婦之陵日入虞淵實掩賢姬之墓嗚呼哀

哉乃為銘曰

天河開國分畿置政地有十城人居九命疇昔之邑今茲成姓  
識履傳風參輿留慶三在戶百兩言歸慶恭內政榮曜中闈承



姑奉盥訓子停機桑園蚕績錦室鳶飛珩璜節步藻火文衣巴  
水幽咽猿鳴新絕月落珠傷春姑桂折趙琴長辭秦簫永別貞  
姬掩隧節女封墳洛濱無月荆臺失雲鳥悲傷聽松聲愴聞千  
年遂古百代餘芬

周大將軍隴東郡公侯莫陳君夫人竇氏墓誌銘

前人

夫人諱某扶風平陵人也章武開國名高外戚之右安豐入朝  
位在功臣之上祖以孝昌之始主諾淮陽父以正光之初寨惟  
海岱夫人生於禮義之門宗於箴誡之德虔恭惟禮令淑惟儀  
及乎百兩言歸三星在戶箴盡禮記始事條枚是則有子從政  
猶無逸預之心有夫出征自識山陵之兆大統十六年冊授永  
安郡君婦以夫尊親由子貴朝章家慶一作承慶兼而有之保定

二年改授隴國夫人車服禮數袿褙典則有美河魴足光彤史

既而風霜所及集作灰琯遂侵與善何言至于大漸天和六年

四月七日薨春秋六十有六即某年十月十日遷葬於咸陽萬

年一作石安唐書夫人諱某滎陽開封縣遠里人也七子賦詩

足光賓客三卿從政實靜諸侯驂乘則晉后停輿來朝則漢君

識履華胄蟬聯無虛史籍祖那秦州別駕父茂伯撫軍將軍涼

州刺史伯陽縣侯夫人令淑早聞芝蘭獨茂既容既德言告言

歸悌實溫清恭惟箴盡禮記太傅弼諧周室股肱攸寄夫人輔

佐君子勤勞是司琴瑟既友條枚無伐故得用之邦國成之孝

敬某年月日封鄭國夫人揄狄既加絃紃是務夫人疑有安世

之貴躬服浣濯子有文伯之尊無忘機杼表裏惟安閨闈且正

醫門有疾藥對無徵天和三年三月二十日薨葬于長安之石

安原世子某兄弟並勗慈訓咸遵母儀霜露深悲寒泉增慟銘  
曰  
居德圃田當官教府置騎賓來開黌學聚福履家室賢才踵武  
棠棣之華螽斯之羽人倫七德風化二南采采芣苢萋萋葛覃  
節行聲玉副加一作并玠一作加參一作副柳園秉杼桑津浴蚕春秋超  
忽零落無一作非時家亡淑女國喪賢姬香墳永送舞鶴長辭山  
深月闇風急松悲千年開閉將驗靈龜

後魏驃騎將軍荊州刺史賀拔夫人元氏墓誌銘

在河之州聞君子之配德言采其蕨一作蕨言采蕨見夫人之有禮用  
之風化人倫厚焉夫人諱安字大羅河南洛陽人也祖某京兆  
康或改作王父昭騎大將軍開府儀同三司錄尚書司州牧汝  
陽郡王跗萼雄圖皆基霸迹公卸之室將相維國維家夫人能

脩法度無思犯禮恭儉節用憂在進賢大統五年封樂安公主  
歸于賀拔氏時年十三思事憂勤化成婦德彤管載暉棠華早  
茂及乎驅歌有歸榆狄降等輔佐君子猶安其室周天和元年  
乃封章武郡君霜露不居石安縣而此卷元氏誌文云咸陽石安縣縣之杜原山形  
起伏既符白鶴之祥地勢風煙乃合青鳥之氣銘曰

觀津世族平陵豪姓四侯登仕三君從政白狼建功丹蛇襲慶  
漢之廣矣先聞淑令君子朝端賢才家正簪珥以禮軒車以命  
讓果成庶推珠止競百年超忽千金莫恃室謝賢夫庭辭貴子  
歸鞶輟路採繁廢祀室委眠蚕衣留畫雉一作元本雲垂下澤  
日掩高春空惟舊館虛幕新封山迴廣柳路沒深松遊魂幾爰  
大夜何從

周冠軍公夫人烏石蘭氏墓誌

前人

夫人諱某樂陵人也晉司徒樂陵公苞後子孫就封因即家焉  
扶風舊城猶存鉄市河南故墅尚餘金谷或寓燕垂仍仕代郡  
祖行代郡戶父魏司空蘭陵郡公司司空佐命魏朝少傳承疑周  
室並為大族俱蒙賜姓秦晉匹也是曰通家夫人年十七歸于  
宇文氏淑令端莊含章貞吉箴禮記惟儀閨閣已正某年除  
金明郡君某年改授冠軍國夫人四德小君宜其家室三事內  
主翻辭贊務以保定五年四月遘疾薨時年四十有四即以某  
年某月日歸葬於京逃之某原人世風煙山川超忽陵陂青麥  
儻逢貞女之墳隴首白揚或表賢姬之墓乃為銘曰

三星麗天五兵鎮地禮有其秩人居其位燕趙多奇山川雄氣  
挺茲令淑惟此含章玉生庭照蘭開室香邢姨聚服宋子河魴  
百兩言歸九儀從聘榆狄七彩軒車六命昇室辭親槐庭贊政

世為閩水人成大夢迴帳山門移登泉洞金素長含銀蚕永送  
香填栢柳路閉松城悲鳶獨影雄劔孤鳴留連趙琴瑟悽悽奉  
聲

周太傅鄭國公夫人鄭氏墓誌銘

前人

風煙飄忽遘疾累旬奄捐館舍以周天和四年二月二十六日  
薨於長安萬年里春秋五十有二詔贈頃丘國夫人禮也即以  
某年三月二十日歸葬於咸陽之石安原既異乘鳶翻然永去  
雖飛舞鶴即掩泉門欲誌佳城乃為銘曰逝矣雄謀悠哉霸輒  
九服潛運三川中竭鄉相連鑣賢才舞疑絕琬琰令淑施襟結  
襦方之棠棣譬以冬斯既全歸德還稱母儀遊疑作水滔滔危  
途冉冉問藥無對蒸丹不驗狄服空陳絃機虛掩郭門路轉哀  
挽途窮隴深結霧松高聚風春蘭秋菊唯始唯終

周大都督陽林伯長孫瑕夫人羅氏墓誌

夫人諱某恒州代郡太平縣人祖某父協周大將軍南陽郡公  
夫人資於事親躬奉訓誡教於宗室足聞詩禮及乎言歸肅恭  
如事蘋藻維敬紘紼是勤內位克諧中閨以睦而年齡不競霜  
露先侵更延無壽疑之杯遂闕長生之枕以周天和四年二月  
八日薨於長安之洪固鄉時年二十有三某年月日葬於萬年  
縣之壽里山非宋國翻為節女之陵地異荆臺遂有賢妃之墓

銘曰

畢狼建國靈武開都地接天柱山臨寶符人資義烈世龔雄圖  
葛覃維萋棠華早盛既安淑德爰配命四教弘宣三星克正霜  
凋桂苑風落芝田三從闕性五福傷年歸安永絕言告長捐悽  
切郊野紆迴隰原風慘雲愁松悲露泣朗月空嗟傷神何及

周儀同松滋公拓跋統夫人尉遲氏墓誌銘

夫人謀某河南洛陽人也祖父太師柱國公魏室喪亂經綸夷  
阻周朝建國匡翊揖讓圖謀帝系即有內外之親分裂山河仍  
為舅甥之國夫人容範端莊儀形淑令六義觀德南風有夫人  
之詩八卦成形東方有少女之位外傳習言公宮教業歲盥禮記  
管線續佩悅蒞蘭年十有二出適儀同拓跋統衣且翟服既得  
宗婦之儀乘其魚軒還從列國之禮標梅三實無闕其時天桃  
九華能脩其政其年某月冊拜迴洛縣君母金明公主魏文帝  
長女春則帝女採桑秋則王姬築館夫人出入主家遨遊戚里  
濯龍園苑長門宮殿既而膏腴美疾一作疾華茂傷年沉痾秣帳  
蒸離寒暑三世之術無乏一作於醫門百草之本途疑窮於藥  
性建德三年五月七日亡春秋三年昔西河女子值九節之葛

蒲東海婦人得三山之芝草無由再遇悲矣如何即以其年十一月十五日葬於京兆之北陵原龜筮告辰丘陵啓奠西臨織女之廟南望湘妃之墳嗚呼哀哉乃為銘曰

父曰帝師母曰王姬車服不繫江漢無思是生令淑觀德敦詩聲超宋子德茂邢姨繼世盛德思賢克舉奠鴈迎門孺一作孺

實俎奉盥如事移茵即序春水浴蚕秋機秉杼帝鄉近親帝城

近臣濯龍親戚平陽主人金波迴月玉樹臨春弄玉鳳凰昌容

紫草自此千年無人得道舜華榮曜飄零何早渭水北原平陵

故園總通谷口即望寒門于嗟此地去矣歸魂孟冬十月長松

九年親賓掩淚悽愴何言

周驃騎大將軍開府儀同三司冠軍伯柴烈李夫人墓誌銘

夫人諱某隴西狄道人也周有柱史夫子以之猶一作見龍漢有

將軍宛城以之輸馬復有西入上書仍為秦國之相東向開計

即是韓王之師父宜使持節大將軍南北二華州刺史順陽郡

公魏武皇帝之長舅也穰侯魏冉居咸陽之宮曲陽王根借明

光之殿語其貴戚差足擬倫論其退謙彼多慚德夫人幼而聰

敏早聞令淑彤一作箴管有美賢才見稱弄其紙筆懼失諸兄之

意剪其齡一字疑畏傷王母之心年十有一出適驃騎大將軍開

府儀同柴烈烈以上將頌朔一作胡中台受任軍國忠勤規模繁

惣夫人輔佐君子言容匡贊增曜三星欽明四德授中沃盥有

謹於事姑新織停機無忘於訓子保定二年冊授大夏縣君既

以夫尊又云

子貴乃遷順陽改郡君婦人之邑或用鄉名小君之號多從夫

秩典用光臨足稱榮寵本有風氣之疾頻年增動略多枕臥飛  
龜之散遣疾無徵畫龍之符留年不驗以今建德四年三月日  
薨于館舍春秋四十九即以其年八月日葬於長安之洪瀆原  
神光離合尚在河湄雲氣徘徊猶歸樓下嗚呼哀哉乃為銘曰  
上書秦相立功漢將隴水分流秦川遙望秋陸俗勇金行地壯  
廣武軍中安平河上妻者齊也謂嫁曰歸三星夜照百兩朝飛  
榆狄有典容禮無違台庭等秩一作侯秩服同衣子奉母儀  
夫聞家政七族承和九閨連慶紛悅恭肅溫清孝敬杼秉秋成  
蠶隨春今年華未落電影先過徒飡日氣空飲天河星凋玉井  
月損金波虞淵落日薤露哀歌寂寞虛奠荒涼象設幽壟龜封  
重泉蟻結秋色悽愴松聲斷絕百年何幾歸於此別

文苑英華卷第九百六十三

登仕郎胡柯

鄉貢進士彭

叔夏

校正

文苑英華卷第九百六十四

誌三十

婦人二

彭城公夫人爾朱氏墓誌一首

東平夫人李氏墓誌一首 李恹軍妻張氏墓誌一首

館陶郭公姬薛氏墓誌一首

高明府妻宇文氏墓誌一首

崔主簿妻劉氏墓誌一首

節愍太子妃楊氏墓誌一首

彭城公夫人爾朱氏墓誌銘 楊炯

夫人爾朱氏河南洛陽人也若夫山陰表裏衝北斗之機

衡瀚海彌綸直西街之畢昂四時銜火燭籠開照地之光六月

搏風大鵬運垂天之翼由是奄有京縣遂荒中土車書禮樂三

王之損益可知將相公侯百代之山河不殞祖敬隨儀同三司  
金紫光祿大夫岐同金申信臨徐七州惣管兵

集作

藩部尚書金

邊集作城郡開國公天列尚書之星地標光祿之塞出身萬里知

呂岱之元勳專命一方識劉弘之重寄父休寂隋左千牛備身

朝散大夫齊王府司馬襲封爵金

集作

邊城公大夫稱代諸侯昨

土淮仙致雨仍攀桂樹之山楚客臨風更入芙蓉之水夫人玉

臺真氣金河仙

集作

靈液蔡中郎之女子早聽色絲謝太傅之閨

門先揚麗則彭城公發源殷伯承家漢相山川氣候彰白武於

臯繇象緯休徵下蒼龍於曼倩三星照夜佇稽鳴鴈之期七日

乘坐薦飛皇之兆夫人年甫十八遂歸於我巫山南眺逢暮雨

於瑤姬華嶽西臨降明星於玉女動合詩書言成軌則晨昏展

敬事極於移天蘋藻挈誠義申於中饋女郎砧石嚮明月而思

秋風織婦

集作

女機林聽寒蛩而催絡繹用曹大家之明訓執宋

伯姬之貞節加以心依八覺理會三空遊智刃於檀林泛仙舟

於法海幾神獨照默言象而無施空有兼忘束筮蹄而不用人

生天地壽非金石銀臺竊藥相奔月而年金殿

一作玉釜  
集作金釜

煎香

思反魂而無日以某年月日終于平康

集作

原里之私第越上元

三年十月二十日合葬於城南之畢原禮也齊侯寢側杜氏階

前對文王之畢原用周公之合葬偃松千古長無寡鶴之悲文

梓百尋還見雙鴛之集其銘曰

合葬非古周公所存死生千載棺槨雙魂野曠風急天寒日昏

烟霾杳嶂霧失遙材紀黃絹之碑表對青松之墓門

伯母東平郡夫人李氏墓誌銘

前人

夫人姓李氏隴西狄道人也自涼武昭王以後一門三公為四



海著族國史家謀詳之矣祖充穎後周大將軍滑州刺史流江  
 郡公考玄明皇朝上儀同濟三州刺史成紀縣男出入三朝部  
 符分竹秦隴河濟之地人到于今稱之天下士大夫知與不知  
 莫不想望其風采夫人生而純深幼而恭敬長而敦睦成而和  
 惠年及初筭甫歸於我執箕箒奉舅姑人不間於其娣姒妾媵  
 之言閨門之內穆如也故宗黨推其令問鄉閭以為美談東平  
 公守清白之基逢太原之日辟命交至聲聞于天制集作徵尚  
 書即遷御史中丞出為棣曹恒常四川刺史夫人輔佐君子聿  
 脩內政平旦纒笄則有君臣之嚴沃盥饋食則有父子之敬報  
 反而行則有兄弟之道受則必誠則有朋友之信其婦德也如  
 此歷職中外声名籍甚和其琴琴正其家邦者夫人與有力焉  
 蓋常喟然曰古者卿之內子為大帶命婦成祭服社而獻功

可不勗哉可不勗哉由是服澣濯之衣躬紡績之事筐筥騎釜  
 之器所以執其勞蘋蘩蘊藻之菜所以明其德非夫博文達禮  
 貞婉聽從者孰能與於此乎及公乞骸告老退歸初服夫人年  
 踰耳順視聽不衰每獻歲發春日南長至群從子弟稱觴上壽  
 者動至數十百集無此字未嘗不勸一作言善誘借以溫顏侃焉閨

閨焉有孟母之風有敬姜之誨焉維永淳元年秋八月旁死魄  
 寢疾彌留終於華陰之望仙里享年八十有一冬十一月一日  
 景辰遷窆於永豐鄉之平原從先逃也東平公撫存懷舊用痛  
 悼于厥心遠近咸集宗親畢會生榮死哀其此之謂矣是日也  
 皇太子監守長安烟忝為詹事司直不獲就展集作喪次陪奉  
 靈輅敢薦李顥之文庶同潘岳之誄嗚呼哀哉乃為銘曰  
 高岳之上浮雲翔兮亟谷之外真氣揚兮建功狄討西羌兮受

封南鄭家素昌兮於赫祖考為龍光兮牧州典郡佩銀黃兮降  
生淑質稟禎祥兮茗花菊茂蘭若芳兮我有懿德如珪璋兮求  
之卜筮鳴鳳凰兮君子至上玉環鏘兮室家合好琴瑟張兮執  
其麻象供衣裳兮羞其饋食澄酒漿兮諸姑伯姊穆溫良兮姨  
如叔妹歡水央兮公之出門牧守四方天人化德洋洋兮公  
之告老返維桑兮閨門之內道彌彰兮正月上日南至長兮子  
孫歡慶各稱觴兮宋公集作孟母魯季姜兮匪怒伊教由舊章  
兮方期高舉登紫房兮誰謂不亘集作掩玄堂兮肅肅松楸鬱  
鬱成行兮沉沉厚夕集作終不暘兮

袁州參軍李府君妻張氏墓誌銘

陳子昂

夫人諱某清河郡東武城人也集有昔軒轅錫胤孤矢崇威畏其  
神者三百年得其姓者十四族金貂七葉漢天子之忠臣鼎足

三公晉武皇之名相孤卿玉帛世有其庸曾祖三集作年月日

朔遷祔于集作袁州府君之舊塋禮也合葬非古奉周公之儀

墓而為墳宗仲尼之訓嗚呼鴛鴦之樹眇泣於松楸鼓吹之山

緬然於丘隴原陵何伐銘誌無文有哀黃鳥之詩遂勒青鳥之

北銘

詩云淑女君子好逑集作懿哉令德嘉儀聿脩溫容玉映峻節

松楸妙心形史潔志玄猷昭宣壺則惠穆蘋洲共伯早遊貞姜

獨留莞居蓬首哀深栢舟彼蒼不愁此夜長幽懷南風之吹棘

指集作北山以同丘青春兮白日獨昭昭以悠悠

館陶郭公姬薛氏墓誌銘

前人

姬人姓薛氏東明國王金氏之胤也昔金王有受子別食於薛  
因為姓焉世不集無與金氏為姻其高曾皆金王責臣大人也

父承集作永冲有高宗時與金亡野本問歸國帝疇厥庸拜左武

衛將軍姬人幼有玉色發於穠華着彩雲朝升微月霄映也故

家人美之少號仙集作人字子聞羸臺有孔雀鳳凰之事瑤情悅之

年十五將軍薨遂剪髮出家將川本無學金仙之道而見寶手

菩薩觀集作靜心六年青蓮不至乃謔曰化雲心兮思淑真洞寂

滅兮不見人瑤草芳兮思氛氲集作芬將柰何兮青雲遂返初服

而歸我郭公郭公豪蕩而好奇者也雜佩以迎之寶琴集作瑟以

友之其相得如青鳥翡翠之婉變矣華繁絕集作艷歇樂極哀集作

悲來以長壽二年太歲癸巳二月十七日遇疾卒三字集作遇

於通泉縣之官舍嗚呼哀哉郭公悅然猶若未亡也寶珠以舍

之錦衾而舉之故園集作國是途遙言歸未迨留殯於縣之惠普寺

之南園不忘其銘曰高丘之白雲兮願一見之何期哀淑人永

逝滅集作感緝園之春時願作青鳥長比翼魂魄來兮集作歸來遊

故園

陳州苑丘縣令高府君夫人河南宇文氏墓誌銘

前入

夫人諱某河南郡人也昔吾君夏后氏之子霸有幽都皇運北

興舜國集作圖南起開寶符而帝天下撫璿璣而主中國則後周

之受命武帝之雲孫夫人四代祖也曾祖某失周子之封亡山

陽之國雖在集作存天子之胤已集作類咸陽布衣植德早天祖

某隋朝官資至集無此澧州澧陽縣令父某龍州司法皆承家

席寵世有令名夫人賁穠華襲繁祉崇徽蕙穆秀色苕榮自于

幼年有令儀也十四適于高府君夫其温慈和惠忠信肅穆集作

信肅行有法度動有禮經嚴恪以理家人集作憇以和君子

則以集作已含乎光大矣若乃宗朝哀敬仁孝也姊姒祗和謙順

也蠲潔酒食婦儀也黼玄黃女工也弘此四德而務六親擊悅

以文之雜佩以發之猗可以作範毋儀照宣壺則矣至於訓子

以睦教女以順受下以慈與人以讓外以贊府君之德內以光

中饋之政皆日聞其進不見其退也嗚呼仁而不壽生而集作也

求終永淳元年某月遇疾終於集作我苑丘縣之官舍時年二十

七嗚呼哀哉高府君尋以公集無此字事罷職山瑩未卜旌旒來歸

府君思北海之魂留東園而殯日月遂往九歲于茲府君乃集作

方崇樹先塋增封舊域以大集無此字周天授三集作二是年太歲辛卯

二月癸卯啓殯于集作於東園遷祔於洛州某原禮也哀哉夫人

雅有高行終而不忘以為厚葬非禮也是以珠玉不飾博瓦是

藏高府君聿遵其志率以薄葬於戲非古之明德淑女金

玉其光孰可集無此字以躋之吾忝門閭之賓覩其家道矣雍穆懿

鑠實有清風故叙之而未克德也銘曰

夭夭桃李有花芳灼灼淑人宜家芳脩睦婦道不諱兮窈窕嬪

儀孔嘉兮何榮采之方茂而云落兮吁嗟集作而去亡兮咨嗟

司屬主簿博陵崔訥妻劉氏墓誌銘 張銳

夫人劉氏其先彭城人也隋毗陵郡通守字集無此字子將之曾孫

唐滁州刺史德祖之孫汾陽集作州刺史延嗣之女子集作也昔武

子處秦厥初命集作令氏元生國楚是焉昌族盛德之門龍驥接

彩世祿之胄龜虎聯華夫人璇室載蘭蕙林層秀啗啗黃鳥豔

豔清月集作明詩閱禮集作詩竊比諸生茂行淵心實稱士母

集作女是及鳳飛啓繇夫婦盡琴瑟之和鷄鳴咸纒舅姑移橋集作喬

梓之敬友愛洽乎姒媾任恤周乎姻戚豈唯禮備澄幕工深機

行因以能循法度宜其室家矣年若干以大足元年七月某日

寢寐集作疾而卒粵二十九日某辰假葬於某里夫國喪賢嬪家

亡叔媛母氏垂白殞集作殯奮所懷稚子始孩剪集作剪焉無恃集作

倚嗚呼天道輔仁人道與順眷茲七德不遐三壽何哉報應之

理豈神食所集作其言脩短之期將事歸於命外姻畢萃累歎不

足夫人即吾姨也今薄誤素履永利幽石圖史之外有美存焉

其銘曰

崔實齊曹劉亦漢宗崇其頭媻望乃偶集作遇疾雙闔闈是穆饋奠

斯恭貞歌浮漢孝室泗集作洞江珪璋其節桃李其容宜享偕老

胡寧鞠凶朝槿飛陌春蘿墜松夫傷子墓去此何從百歲之後

魂兮合封

節愍太子妃楊氏墓誌

前人

開元十有七集作五年二月癸未中宗節愍太子妃楊氏薨於京

師太平里第之內寢越五月景申詔葬於新豐之細柳原黃陵

不從古之道也嗚呼哀哉妃氏之先代居河華赤泉啓國清白

傳家東都之公胄西晉之后族高祖土達隋開府納言天授中

以孝明高后集作氏追封鄭王贈太尉曾祖緘隋符璽郎抗

節王充朝廷旌載集作朝旌義贈靈州刺史祖全節左內率贈魏州

刺史考知慶千牛豹貽二將軍若夫軒勳王冠同許史之繁漢

婚姻帝室比姜媯之宜周是故二華降靈五河飛舉拜玉冊於

廟儷金璽於青宮入叅視膳之儀出友元貞之樂禮陪璽館祭

服始於北郊詩贊鵠巢玉化終於南國豈知言集作諫遠闕水神

往集作即山七日之望不歸千秋之言何及於是視身知若幽

探白馬之偈覺心等空坐證青蓮之葉以以橋集作喬木無怙栢

舟早誓棗華

集作華

先落聖善相依闔門正家稱未亡而全禮高

堂終養不勝哀而遂絕此又禮外之禮孝中之孝者也初上在

東宮時妃有女弟選為良媛生忠玉卜者曰不宜養爰自襁褓

命妃舉字

集作之

及開元正位良媛為嬪而卒妃之忠王也隱觀

之訓誨之竭從母之仁慈倍猶子之珍愛忠王之託妃也敬愛

焉聽順焉生盡因心之孝沒過知母之感且夫慈懋鞠育孝思

顧復仁叶息親愛備恭睦成天下之百行致生人之五福斯蓋

皇極之端國風之首者矣湖陽王當小宗之祭

集無此二字非

元妃之

喪故喪挾兩

集作二

孤而祭殷二國何必吹山上遙博慈母之名

石闕廟中獨立少姨之像史官承詔勒銘沉碧詞曰

太華北足長河東肘揔粹陰靈配德儲后鳴美玉佩烟光金鈿

貴嬪長姨寵王從母永訣上賓死孝哀親顧懷孺子忍別天人

昔貞萬國今撫百神泉燈我夜宮樹他春陵

集作陸非

麥秀兮漸漸

隴月生兮纖纖霸岸

集作玄灞

玄兮無還日青門絕兮不

集作無

可瞻

石獸澁

集作古

兮綠苔

集作玄灞

粘宿草殘兮白露霑園寢閉兮脂粉膩不

知何人兮開鏡奩

文苑英華卷第九百六十四

登仕郎胡柯

鄉貢進士彭叔夏

校正

文苑英華卷第九百六十五

誌三十一

婦人三

滎陽鄭夫人墓誌一首

燕郡夫人李氏墓誌一首

上邽縣君李氏墓誌一首

鄧國夫人墓誌一首

李氏張夫人墓誌一首

張氏女墓誌一首

涼王妃張氏墓誌一首

贈婕妤董氏墓誌一首

滎陽鄭夫人墓誌銘

張銳

夫人諱某字某滎陽開封鄭氏之女也

集作也字有唐銀青光祿大

夫行少詹事博陵侯

集作博陵

崔氏之妻中大夫中書舍人湜之

母也高祖述祖

集無祖字

北齊吏部尚書太子太保滎陽平

集無簡平字

公曾祖武叔北齊涖州刺史中牟公祖道撥

集作撥

隋宋城令父

世基故吉陽令故左僕射安吉公杜淹太夫之外王父也夫人

家世德門母氏昇胄衣冠禮樂耳目所徵號之諸生實為女士  
先大夫以崔出秦集作太岳之胤鄭祖周王之穆長源脩麓北濬

聯宗集作崇故夫人年十有七歸於我氏盡敬愛以安舅姑致友

穆集作睦通用以諧娣姒集作姒性寬恕尚素雅文而不奢約而不陋

故邑號光啓象服是宜博陵侯更事兩朝多歷官序居必大理

去有遺愛雖毳衣善聽得非鷄鳴之弼乎舍人及三弟長安尉

泌藍田尉液左千牛條咸有當代之名立集作主無過之地滋液

德教集作教訓琢磨禮範雖趨庭善稟得非闈集作闈是門之誨乎夫樂

得好速閔睢義也鞠成衆子鳴鳩仁也采蘋采藻脩法度也如

山如河有德容也婦禮既成內則用貞毋儀乃形家道以寧於

是春秋高矣雅好真諦厭飲禪味減撤珍華被服慈衣捐斥集作棄

文繡惣斯羣懿式是六姻故以嗣徽先姑垂裕來史詩所謂

邦之媛也夫人有焉皇天難忱不享偕老年六十四神龍元年

十一月九日遘疾終於洛陽之遵化里其明年二集作三月某日

葬於富平縣之某原君侯傷神諸子御恤真銘幽窆用存終古

其詞曰

東惟詹府西望綸闈吾夫鸚瞬吾子鷄飛青綬赤芾魚軒翟衣

橋梓灌茂堂堂榮輝如何不淑奄永泉靡漠漠玄夜容容白日

百歲之後同乎此室

右豹韜衛大將軍贈益州大都督汝陽公獨孤公燕

郡夫人李氏墓誌銘 前人

夫人諱某字故代州東治府右果毅都尉幽州高士李感之女

也本姓張居于清河郡大父玄愬集作誓非官至安東大都護長史

與太宗有故賜姓李氏仕歷檀州司馬始家薊城是則帝寵舊



臣乃命王族官平朔野因為郡人偉哉孝友清白之仁基金鈞  
右印之靈慶集作必將光大別族集作業繁衍淑女彩黛粉敷焜

耀華暉若斯之盛也夫而幼而韶異長而婉穆金声玉澤舜榮  
蘭茂傳賢註姜詩美仲氏無以尚也初汝陽人夫人元氏生一

男四女而卒繼室以夫人封諸燕郡生元生集無立及長孫楊

氏二女秉螽斯宜爾之德著鳴鳩均養之仁色無偏和心無殊  
厚閨庭之內邕邕如也雖邑中五服之家門下三年集作千之客

莫能察其異焉永寧里先人之舊廬也有通渠轉池巨石嶺岍

噴險集作陰宗灞洄潭沈沈以殊聲異狀而為形勝遊衍之處者

十四五前夫人之孫蘇氏之婦弱集有冠字非歲嬉而墮焉舉家環

流憚莫能救夫人投身赴水或沉或浮久之提挈僅免其行已

也實多此類府君更即將中即將各一將軍大軍將凡四前後

領左右羽林二軍禁營青海鴨渌二道總管天子元老白首兵

欄腹心爪牙朝無與二外受調戈文馬之賞集作賚內委金璣寶

具集作玉之飾將軍既頌於部曲夫人亦散於宗姻可謂貴而好

禮富而能惠者已及君子晨歌夫人晝哭喪有過戚集作感慕制無

越禮其後法吏苛禮集作濫余子遠遷窮荒一訣倚閭集作門三歲

炎山瘴海曷云其來施珍玩以奉佛徹滋味以奉道精意入冥

明神與直中興昌曆無廢舊勲光公茂乎飾終愛子榮乎起滯

天步方泰家屯適夷宜享南山之壽奄頓西泉之駕神龍元年

十二月二十二日寢疾終於洛陽之德懋里春秋若干國墜邦

媛宗集作家傾母儀孤徹孝孫哀哀藥棘有詔旨曰獨孤某妻亡

還京日宜給靈輿并遮悼舊德集作功矜孤恤喪朝之大經者

粵以明年十一月二十日卜葬於集作於字雍州之某原不從先塋

古之道也夫計功伐勒鼎彝非婦人之事撰德行存國史亦孝子之志乃為銘曰猗嗟昌兮月出之光如葉莫莫如華皇皇宜啓燕郡作合汝陽尊之象服錦衣聚裳以慈形訓曰仁之綱以命易難曰義之方婦有柔德亦惟其常女之士行于何是不集作臧彼天蒼蒼胡降百殃捨我媚子捐其高堂丘隴茫茫集作風生白楊象物皆盡德音不忘

上邽縣君李氏墓誌

前人集

夫人太祖景皇帝之玄孫西平郡一作原王普定之女也賦靈陰德資性柔嘉事舅姑盡其敬與娣姒致其睦茂行充乎內則懿聲溢於外姻雖王家長自傳保而謙能光庶類降心細物手成朝祭之服躬糝酒食之品凡婦之所能事而夫人莫不備焉府君朱紱之歲於是乎始受封邑象服盈門魚軒在路姬氏王者之後夫人帝室之親夫貴婦榮於斯為盛及惟堂而哭有敬姜之禮擇隣而處有孟母之教入閭侯信有諸婦之期出言成章有眾女之誠

於同州之私弟以神龍元年十一月二十日合葬於萬年縣白鹿原之舊塋有子慈殿中侍御史檢身承家揚名為孝思我母氏感秦伯之詩祈於君取周公之禮髮鬢心迹志之幽石其銘曰

茫茫萬姓朝宗于李婺星分極咸池汎水后稷裔孫神貽女士動遵法度觀圖史輔佐哲訓成賢子宜崇徽號以享介祉高堂奄空霜露方始儉用禮節非奢美鏡下窆臺衣緘泉筭壠烟一作長散松風長起摘果人迷侵林獸死永言惟孝事親終矣

鄧國夫人墓誌銘

前人

詩美莊姜傳稱孟母庶姬綿邈千載時有猗嗟邦媛柔明亶厚  
龜玉毀積膏蘭夭壽遠矣黃祖肇自伯宗靈基在晉華胄陵江  
尹茲西楚宅是南邦高蓋結轍圓冠比蹤魏館虛待周京長發  
父對雄風毋膺姊集作月珠浦瀆集作潤玉林清越昆弟三人  
羽儀雙闕家芳集作淑女國茂賢妃具瞻四德旁通八徽步障  
馳辨連環定機調絃魚躍弄杼鴛飛媧后集作創業軒宮多事  
高行登聞大家入侍幽贊日月財成天地温室不傳平城盡祕  
大君命我變禮斷恩衛妻空誓媳媿集作無言均養七子劬勞  
二門始賦樛木終歌采繁多難啓聖羣凶構孽明疑作家作脅  
權相滅臨禍不懼忘生蹈節彼何人斯碎此貞烈氛集作消日  
朗既安且平皇心震悼禮備哀榮啓國加等復土陳兵外姻來  
唁中使臨塋恭惟夫人宿精知集作刃昭昭關士授之心印古

無合葬遺言別墳藥孝子敢廢前聞服不珍繡盤無膩薰室暗

泉火松殘隴集作雲神合大化誰為小君

李氏張夫人墓誌

前人

臨淄李伯魚妻者范陽張氏女諱德性孝悌柔婉能日誦數千

言習禮明詩達音妙績集作德言容工蓋出入也伯魚天下善

為文擢校書郎出為青州司功而卒夫人寡居無子以歸宗焉

長安二年四十有八頌逝於康俗黑殯於永通外景龍三年家

疾居貧季弟居集作嚮詞取給冬十月安曆伯姊於萬安山陽

蒼梧不從古之制也北望先隴集作西接秣集作丘明臺其嘉

永安此室御哀叙誌嗚呼孔懷銘曰

送送集作伯姊萬安之墳精靈何處為雨為雲彼臨淄兮千里

望倏忽兮夫君

張氏女墓誌

前人

女郎名琰姓張氏洪洞丞府君之少女也聰慧孝友繇條鬢折日

集作能讀史書善奏絲桐舉族稱集無珍之未集無成人而夫

命也聖曆中隨仲昆集有任殞折集無於慶州歸殯於藍田別

業景龍年屬家艱季兄君集作徵黃門侍郎哀請不拜詔許終

服家貧傭文以取資集作冬十月獲改集作葬女弟於萬安山

陽差池姊瑩顧瞻尊闕不忘孝悌慰爾魂含酸屬銘投筆氣索

辭集作曰

陟彼京兮痛用生兮奈何朝露在薜榮兮共天地之大德焉早

落而無成兮

涼王妃張氏墓誌銘

常袞

古之賢妃四德六行則在女史彤管記言納聘入於天宮儀刑

光於帝闈休有懿範歿而可稱涼王妃張氏族茂清河之源家

承七葉之盛紱冕繼代勲華襲門曾祖守真皇朝游將軍左衛

中即將羅國公食實封三百戶職雄戴鶡績茂分茅祖光庭皇

朝中散大夫衛尉少集無卿位亞八屯榮參九列父安仁皇朝

正議大夫汪王府長史曳裾上邸託乘西園俱傳帶礪之封克

承閎闕之後妃早習詩禮式尊教義令德令儀有要有倫既當

八月之期允叶良家之遷天寶八載納為涼王妃懿範集作徽

音韶妍婉順恭勤朱邸儼恪丹霄友其琴瑟奉以家室瞻鴈池

之闕水嗟駟隙之末光以廣德二年五月十三日終于上鄴之

內邸春秋三十七旋以其年十月六日遷窆於某原禮也涼王

倚歎蘭臺傷神桂苑梧桐半落鸞鳳孤飛永逝不追嗒然增歎

詔葬備禮哀榮飾終笳簫在辰旒旛啓路嗣子保定郡王仕攀

號孺慕摧切蓼莪誌于幽泉銘以貞石慮佳城之白日識龍樹  
之青松銘曰  
清河之邑芳地惟古具旒粹華宗兮賢妃誕載柔順內積言容  
外彰彰茲淑德輔佐賢王芳年忽馳大墓何速積善虛應兮時  
長運促空餘懿範兮刻在貞玉

贈婕妤董氏墓誌銘

前人

維唐至德元年歲在癸卯十二月一日美人河內董氏終于閩  
鄉之別館春秋一十有八嗚呼哀哉美人蘭質幽閑茗華婉麗  
出自漢臯之曲降於巫峽之陽柳絮題詩椒花獻頌德行日集  
自成於天性藝能豈假於師資既彰絕代之姿雅叶良家之遷  
瑤臺入集作集寵金屋流芳映月幌而方娥上星樓而比婺思多  
不恃顧重無矜讓以同車恭而避寢紫庭著美彤管旌賢屬

綵仗巡遊花鈿侍從方執巾於上陌忽蒙被於離宮天道如何  
泉扃已矣聖上顧懷淑慎言念息情悲遽天於先春歎長歸於  
求夜追加班女之秩式慰衛兒之魂以某年月日葬于某原  
禮也乃命侍臣紀於貞石銘曰

二九之年麗容嫣然春風轉蕙秋水開蓮浣沙選貌納袂求賢承  
恩玉殿侍安宴瓊筵光陰不借神道何偏椒房愛促高里悲纏  
婕妤寵贈女史芳傳丹風城外黑龍水邊嗚呼此地永閑神仙

文苑英華卷第九百六十五

登仕郎胡柯

鄉貢進士彭叔夏

校正

文苑英華卷第九百六十六

誌三十二

婦人四

獨孤公夫人常氏墓誌一首 權祕監夫人李氏墓誌一首

李監察夫人蕭氏墓誌一首 崔縣丞夫人源氏墓誌一首

李參軍夫人獨孤氏墓誌一首 裴明府夫人閔氏墓誌一首

李縣丞夫人梁氏墓誌一首 嗣曹王太妃鄭氏墓誌一首

殤子常八墓誌一首

前左驍衛兵曹參軍河南獨孤公故夫氏京北常氏墓

誌

獨孤及

夫人諱某字某楚王交傳孟裔孫唐許州司馬皎曾孫渭南

縣主簿慤唐世系表同之孫兗州金鄉縣尉裔伯季女祕書

省著作郎儋睦州刺史儼之妹以世系表正其先自彭城郡徙京兆

後丞相賢後九世至本州大中正穆始有東西眷之號二十五世至徵士曼居魏周二代出不降志處不道集作隨

俗時人號為逍遙公夫人之七世祖也逍遙公生民部尚書建

安公世恭表作確字世恭建安生上大將軍宋州刺史仁表作仁祜仁祚乃仁基之

子仁基乃世恭之弟將軍生給事中族即為許州之禰也夫以四言之遺

直一經之餘烈十徵之高風悼於今古宜其秉哲垂懿百代不

隕地之華望之崇與春秋之唐杜范氏漢晉之袁楊王謝侔其

熾大矣哉二集作非十八葉之明德茂祉降衷於夫人故孝慈貞

儉溫惠淑慎文敏好禮三者皆天機生知不待師訓而至廣德

二年夏六月歸于我衣服飲食躬自菲薄夙夜戒敬致孝於

于待菜接娣姒以謙馭幼賤以敬敦善勸義恕不知而矜不能

喜怒未嘗形集作見於容止也其德禮所化宗族以睦兒童知讓

生一子四歲而夭大曆四年夏六月癸丑再孕不育乙卯歿于

舒州春秋若干人至集作厚而不福德備而不壽是天不于我家

也向使錫厥永年正家承筐宜爾子孫百祿是享非夫人曷歸

啓手足之日長幼號咷內外親姻四字集作外姻內姻親疎皆行哭失聲也

宜哉是歲九月甲申以晴襖裳帷遷于洛陽十一月丁巳集作酉非

安宅兆於舅姑先塋之西南隅恐時逝事遷景行不貽於後故

刊石以志卒葬且謹而日之

著作郎贈祕書少監權公夫人李氏墓誌 梁肅

成紀李氏自京武昭王以後後裔熾大在元魏有若司空文穆

公冲冲生司徒高陽公休績諸父兄各登三司崇勲盛烈載在

前史夫人司徒之後也曾祖允義皇朝慶州刺史大父仲進宣

州司士叅軍考備冀州司倉夫懸集作玄圖崑山是生璵璠德懿

盛族集作德宜有賢淑二椽徐儒行不躋貴仕故儲慶發和鍾

于夫人而幼而孝恭長柔明歸于他室克協休德所奉之主則

著作即天水權公其公大節大明達于家邦人倫仰為師表夫

人明識茂行光于閨門姻族資其訓式有子德與七歲而孤夫

人茹未亡之哀躬徙宅之教故德與也十五文章知名二十典

祕書貞元二年以廷尉評攝監察御史為江西從事夫人從子

南征寓于鍾陵其樂以道其養以保一慈一孝宜壽宜福天實

不弔享年若干以四年秋七月某辰寢疾而終德與窮慕崩迫

忍哀問卜號奉晴袂至于丹徒以來歲某月日權合祔于先君

假葬之域嗚呼有行可尊有禮可法始輔君子終垂母儀而不

登上壽不介集作祉斯命也已篆石紀德謂為墓誌近古之

禮也胡可闕諸其銘曰

武昭之胄立德立功且侯且公文穆之後昭明有融繼別為宗

抑抑夫人餘慶是蒙温良在躬歸我祕書體仁協襄集作盛德

攸同乃訓孟子擇乎中庸休有先一作風豈命有極豈天不備

降此鞠凶假窆何所惟栢集作惟桐于江之東棘人充充式號

且恫哀思無窮

監察御史李君夫人蘭陵蕭氏墓誌銘 前人

夫人諱某字某南蘭陵人梁世宗明皇帝生南海王珣自南海

三葉至有唐太子太師至某太師生中庸侍節某以文武之勤

左右帝室世祚徐國豐擢集作台階蓋夫人之大父伯也父中

書之弟駙馬都尉太僕卿諱衡踐脩德尚某邑公主實生夫

人玄宗其外大父也宣集無宣皇其舅也天漢派流地靈騰茂

蘊為和氣鍾我淑德既笄歸于宗族李氏曰鐔鐔官至監察御



史以茂行聞於時上奉繼親旁羅郡族夫人內貞明而外柔順  
至於色養義充於輔佐仁見於周睦至乃冠婚賓祭之式組紉  
黼黻之事莫不能儀刑邦教律法集作度姻戚洎御史捐館夫人  
罷執筭集作之事訓導三女以禮自居二十年間母儀愈集作  
光內則愈彰知我者方紀美行貽諸彤史天不與善享年四十  
八而終時建中元年九集作月三日也初夫人無子晝哭之後  
歸于其宗仲弟御史中丞復孝愛之德聞於天下出守三州皆  
從而居焉是歲中丞由潭州遷左馮翊會夫人幼女從夫有江  
華之貶亦將欲沿三湘展母子之歡途次于晉陵遘疾而沒俄  
兵興不克反葬馮翊次子某以來歲某月日奉其姑之喪權窆  
于某鄉原嗚呼仁宜有壽善宜有後以夫人之賢且先代之胤  
與王室之出而亦集作事並戾豈命也歟予集作忝游馮翊之

門也父見命為誌其銘曰

昔在帝祖承天命紀維皇歸妹光耀載起太師之孫魯元之子  
誕受休氣實為女士恭伯既沒敬姜道存訓成內則集作耀集作動

高門積德所因其禮宜蕃碩人無子天道寧論將涉三湘奄歸

九原生惟集作共盡有恨何言

鄭州原武縣丞崔君夫人源氏墓誌銘 前人

夫人諱某字某河南洛陽人也昔涼武王烏孤景王傳檀繼為  
傑霸據河右景王生魏太尉隴西宣王賀賀生司徒惠王恭或  
以文武集作或潘翰王室以拓跋同源因錫姓焉夫人其後也  
曾祖翁皇朝尚書比部郎中祖脩業涇州刺史父老集作時濟  
陰太守夫人濟陰弟幾女既笄歸于原武丞博陵崔君某以德  
敏貞儉宣慈惠和集作輔佐君子而成家風原武之伯父冲嘗

為形部即中每謂夫人淑哲之美可師表姻族洎原武疾病顧  
視諸子尚貌慮歸祔不獲以屬夫人夫人默而省焉晝哭之後  
躬履草莽成反葬之禮禮無違者聞見集作難之既免喪始游  
息道門受心法於大照禪師請益之際朗然懸解大照沒又事  
弘正禪師入定集作文字性離天機獨得喜怒哀樂無自入焉宴坐  
之外以敬姜之風操班氏之詩禮貽訓親族閨門之內盛烈流  
美禪林高妙受用不極二十字集作胎訓諸孤故親族目之曰閨門盛烈道流美之曰禪林高趣妙用  
不委和歸真享年若干大曆甲辰歲十一月十三日寢疾捐館  
嗣子某乙等泣血襄事以喪歲某月日權窆于某原仲子左集  
佐車純孝而文懼聖善之德不著後嗣遂假我為誌銘曰  
烈烈雄閥降茲淑哲惟夫人兮郁郁母儀中外肅祇耀閨門以  
道自光我性則常奄歸真兮孝子維嗣其哀也至刻斯文兮

衢州司士參軍李君夫人河南獨孤氏墓誌

前人

夫人姓獨孤氏六世祖永業北齊司徒臨川郡王自臨川五葉  
至贈祕書監府君諱某門風世德家諫詳矣夫人祕書之弟某  
女生而純孝容範淑茂成於德門歸于公族李氏曰濤故楚州  
刺史仲康之子今御史大夫亟之從父兄也少有敏才故祕書  
府君以夫人婦之恪勤婦禮以正家節門內之治繫柔明是賴  
乾元初李君叅掾信安遂終于位夫人罷助祭之事專以詩禮  
之學訓成諸孤議者以曾敬姜辛憲英為比晚歲以禪誦自適  
謂般若之經空惠之叁恃集作持而為師去諸結縛猶違集作土  
也享年五十三大曆十一年某月日寢疾終于常州遂權窆于  
建安集作元精舍之側明年某月日卜筮襲于吉始遷兆合祔于  
洛陽某之先塋嗣子前越州士曹叅軍居介南陵尉居佐譙縣

居敬孝廉居易等痛聖善之德不可追也俾肅為誌銘曰  
温温恭人貞順而慈始為婦儀終為母師仰成法寶穎脫塵機  
身世兩遺乘化而歸合祔伊何周原舊域哀哀令嗣孝思罔極  
作銘片石以誌窀穸

杭州臨安縣令裴君夫人常山閔氏墓誌

前人

夫人姓閔氏皇朝考功郎懿道之孫銀青光祿大夫尚書刑部  
侍郎伯璵之女河出薛氏之出前庭尉評領臨安令裴深之室  
也春秋若干以大曆乙卯歲五月疾寢卒于晉陵之私第來年  
月日窆于某原不獲吉卜集作兆未祔于皇姑禮從宜也先期臨  
安以夫人之德善俾予銘其墓故得而撰云夫人貞順惠和恭  
明孝慈自天授集作受也樂善睦親儉而好禮承家訓也循集作修  
采蘋之度以助祭祀得婦道也四教行九族和秉內則也夫人

有是淳懿故自致禮至于捐館小大無間言中外無異望郁郁  
訖一家與仁俟絕之際請辭其大夫人又辭其姊姒已而顧所  
生之四女曰母子之愛令也永絕夫中饋不可以無主吾已請  
而集作爾父娶繼室矣其來汝謹事之無貽我神羞辭氣不惑言  
畢沒遂夫號母慟諸女孺慕聞一哀者行路集作出涕存沒之  
事其感人深矣哀哉乃為銘曰  
穠矣薜華茂蘊質兮配此良士如琴瑟兮嚴霜墮零曷其疾兮  
予嗟碩人歸此室兮

德州安德縣丞李君夫人梁氏墓誌

前人

夫人安定梁氏族高祖華陽襄公諱彥先集作老生周隋際歷上  
大將軍開府儀同三司使持節青冀華相等九州刺史貞惠文  
敏為兩朝名臣生曾祖永安成公文讚在隋為司隸刺史司隸

生皇朝龍興令冀州長史晏晏生朝散大夫克山令登夫人克山之弟二女惠和集作生知孝慈幼有令儀長而溫良成而柔明年若干嫁趙郡李兼金生四子而兼金卒夫人內持正性外示德禮且以文行忠信貽訓諸子家道以和每言曰敬姜大家吾師也既晚歲脩釋氏法以禪誦為事視身世榮枯與夢幻同因命弟四子為沙門勵以清淨行既而壽量極享年七十二歲在乙卯七月乙未終于常州建安佛寺集作精舍後五日窆于某原孝子詠等御痛泣血哀過乎集作于禮懼先夫人德善不聞將誌幽窆以肅外族之屬也俾為斯文銘曰

伊夫人煥母德道可尊禮不忒訓令子就儒釋沒集作滅而藏焉永無隙人歆我知視此石

嗣曹王故太妃鄭氏墓誌銘

穆貞

大唐貞元景寅歲秋七月己酉荆南節度觀察使戶部尚書御史大夫江陵尹嗣曹王臯奉先太妃滎陽鄭氏之喪歸于先王贈尚書左僕射諱戢之居實洛陽仰山之原先是皇帝使中謁者詔東京有司備鹵簿鼓吹洎祖載儀衛之物且監視之事之前日嗣王有虞乎山壤一作墳泉隧不常陵冗迺以百世之後貽

厥來者之義屬于小生太妃諱仲字正和恒州司兵文恪之孫郴州司戶休鄰之鄭之之於百族也如羣嶽之聲衆山焉溢于世間事不待紀太妃以禮之節為質以樂之和為性以詩之鵲巢采繁小星殷雷易之坤蠱家人為德小大由之且以其餘施之於外夫是以賢子是以貴以利于家邦年十月四歸於公族又十四歲而先嗣王即世王屋天壇之下有別墅焉大妃挈令之嗣王與女子子洎夫族之叔妹未冠笄者與本族凋喪之遺

無告者合而家之居無生資勤儉自力仁以卹智以圖使夫飢  
待我粒寒待我續續一作縷婚姻官學蒸嘗之禮待我以時嗣王年  
甫及笄其所以遵成慈訓者則以父嚴師敬之道兼而濟之于  
時天下晏然而事有將亂之兆太妃念嗣王之狀必及經綸不  
患不貞患不更踐賤一作賤不患不聞先王之訓患不知下人之生  
率以仲尼鄙事為教及其長也見其為龔黃見其為方召享其  
孝敬勲庸祿位三者日躋之報焉嗚呼月望而虧天之道也以  
建中三年冬十月九日遭疾薨于潭州官舍之寢壽七十有二  
嗣王奉喪歸葬達于南荆國難方興天下否塞朝廷倚宗周維  
城之固加於群帥一等乃用魯公伯禽有為之變俾復其位且  
使即其次而寔焉嗣王銜恤奉詔以戰克以攻拔統江西援江陵  
其事墓也如生平之養其哀號也執干戈者悲之今茲龜筮叶

謀優詔惟允義者或曰東南之鎮州為大降寇僅滅多虞未忘  
遺羊杜之重徇曾閔之節越三千里執喪釋位謂安危何負以  
為嗣王之於朝廷也曩竭之以忠朝廷之於嗣王也今遂之以孝  
君臣家國之際於是乎古無以踰况其奉先之志不可以奪臨  
天下政必可以保且用崇厥孝理始于本枝使為子者悅事君  
者勸以感人心以順天下不然何卒葬弔贈天王之賜命視  
於同盟有加等焉初湖南部將有王國良者嘗危疑負固歷年  
不下嗣王為帥恭太妃之教以子召之國良捧檄如歸撫之以信  
其後入衛中禁錫名惟新乃曰爾來之生今日之寵罔極之德也  
哀請赴葬上嘉而許之其執禮致慕視於古由是以係之篇銘曰  
抑抑毋儀稟訓德門來嬪王族慶集宗臣如彼崇山應時出雲霽  
然作雨澤潤生人裕我盡啓茲寵勛匡載疑作載中興為唐晉文宣

爾百祿享茲萬春運奪其養一作運天胡匪仁清洛之陽脩印  
之阜我歸我居我徒我友繼印與洛將安宅之相久

殤子常八墓誌此篇係男子已移入九卷今存其目獨孤及

文苑英華卷第九百六十六

登仕郎胡柯 鄉貢進士彭叔夏 校正

文苑英華卷第九百六十七

誌三十三

婦人五

穆祕監夫人裴氏玄堂誌一首 崔少尹夫人盧氏墓誌一首

崔太常長女墓誌一首 王妣夫人楊氏墓誌一首

獨孤氏亡女墓誌一首 崔相國夫人柳氏墓誌一首

張司空夫人谷氏墓誌一首 權贊府夫人張氏墓誌一首

祕書監穆公夫人一作河東郡太夫人裴氏玄堂誌 穆貞

負不天而死先公棄背迫先王制禮免喪五月太夫人河東郡太  
夫人以貞元十年六月二十四日違養又不孝不滅以及龜筮  
遠期十月二十一日孤子贊洎質負負賞奉遷靈座自東  
都歸義里私第正寢歸于偃師首陽山北原先公之居第  
三子負伏念嘗稟慈訓撰述前誌當時實聞不忍聞之命

俾繼斯文不敢不如血吐迷粗舉大畧裴氏自漢魏以還蓋為天下著姓外族之於本宗也若泉有源山有峯披圖按謀可明徵矣五代祖諱鴻琳周易太守高祖諱客兒隋長平丞曾祖諱文行皇朝并州石芝縣丞祖諱玄度絳州絳縣令父諱翔魏州朝城縣令世以懿德令名清風和氣昭穆授受宜于家邦太夫人則朝城府君之季女也淳仁如天博厚如地精識如神中節如時少喪怙恃長於季母諸姑以孝友誠明俾見懿慈有天性之答所至家政輒聞我於未成人之年洎有行君子作配德盛移內則之美盡家人之義居上齊下視人以身主祭祀以心為馨香事賓客以手集中饋先公厄於未濟困於屢空太夫人以樂道為貴肥家為富先公初仕河朔蹈難平原太夫人必勤儉成清白誠義佐名節先公出入崇貴間逢遷黜大夫

居常以天不假易自警

疑作警

處否以泰道自安先公直道高義

不容於時剝落當年優遊晚暮太夫人始則不磷不緇何憂何懼為常弦焉則以不容何病然後見君子為墳篋焉終則以施於有政是亦為政為琴瑟焉先公孝以立家仁以合族太夫人輔佐之德達於神明負伯姑元夫人高明純至不幸早孀太夫人就養于堂服勤以力視色先意主於無違伯姑嘗顧小子同氣曰自吾歸爾家安爾母也自忘孤寡自忘長老嘻嘻然如未笄之初承歡於父母之前夜夢吾先君則為爾父夜夢吾先夫人則為爾母豈爾父母乃吾宿世之父母乎不然何迷我心靈發於夢寐者三十年如此中外孤幼以先公之祿為待哺待絮者其來如歸太夫人所以衣服飲食之蓋有竭無倦有不足無不均有孤惇老幼之先無親疏厚薄之別若乃甥姪群從之衆

賢愚恭狠之差太夫人用不愠不校不期不伐積為至德以嫗  
煦之不違直心而曲順其理不越中制而各厚其宜是故寢我  
無私有常之化者歸我懷如服天地豈無忤戾之性多言之口  
不忍以造次幽昧遷焉負三從叔寂感太夫人少長子愛之慈  
以為生成罔極之重及壯納室則先請於女氏之介曰吾娉吾  
母也苟能服事如姑則為某妻不者則否女氏許諾然後贄幣  
行焉太夫人自痛早孤終鮮兄弟惟周公蓋祔仲尼合葬之事  
咨於先公曰絳雖故鄉世乏喬木洛汭中土首陽家山今將奉  
先人於北原卜隣舅姑吾與公存沒之志也命長子行之本族  
凋落蒸嘗殆曠鞠養孤兄子以涕泣教之使學古入家承家主  
祭乃至宗從之祀興廢繼絕繫太夫人是賴者非一先公享縣  
車之榮太夫人受偕老之福河洛安宅京師就養板輿所至讌

喜相從旬朔獻壽子孫成列歲時稱慶冠蓋盈門當時士族以  
為榮羨晚年學道於聖善寺法凝大師所受方便平等則家政  
也忍辱慈則素行也真如正覺則天性也皆異積日習被於德  
施盡大師之法吾無得焉贊等從事守官世道多故太夫人以  
為苟不虧先生先公之訓則義不辱是為無忝未始見責而姑  
勉之祿俸供養不給於家之經費太夫人每顧念有一飢一寒  
者則為不飲不暖其遇窮獨無告不獲其所輒心體以之不康  
是以甘旨輕鮮之獻未嘗以尊高自異常有汲汲不足之患而  
不患焉初太夫人之從先公也公方褐衣家無數口太夫人以繁  
祉元福阜興德門男女為人父母為人大父母為人師者七弟  
女故安國寺內外孫洎曾孫四十有三食先公洎諸子之祿者  
尼常為人師五十一政主家主祀者五十一年壽七十四封河東縣君郡君



先公故也河東郡太夫人贊故也列郡啓封為妻為母論者以  
兼命斯貴同時難之然天下公議稱先公位不稱德雅知贊者  
亦謂贊等命不偶時而太夫人五福百祿之徵蓋上有所不克  
下有所未極贊質負賞皆自痛歎養歎報各孤其分號天訴天  
天不我聞伏念昔罹荼毒備承至誠以為救身無違揚名有補  
忍死為重徇情則輕瑩獨一作瑩苟至不敢自滅謹哀纂至德密  
行之可傳者勒之貞石以求厚地嗚呼蒼天

崔少尹夫人盧氏墓誌

前人

嗚呼有唐河南少尹清河崔府君諱徵從先大夫于此卬山樂  
原卜年惟三而泉戶啓夫人歸歸而復閉閉而終此山矣禮也  
哀哉夫人諱某字某姓盧氏以府君為大夫封范陽縣君其先  
自東漢中郎植十有三葉至于烈考皇朝大理司直孝孫代以  
禮樂婚姻相遺為氏族冠勉縣君泉源發清峻極憑厚孕和蘊  
粹吐芳如春其在弱笄雅有君子之度諸從母有若常太師見  
素斐尚書寬二夫人稱之曰吾見此女使人思齊不自知其所  
為長開元季年先舅尚書忠公尊顯于代高明克家思配子之  
賢慎承我之重縣君以姬姜之盛發聞之美誕集嘉命既而有  
行先姑隴西夫人才之傳之以政於是資顧復之報以孝舅姑推  
友于之愛以陸睇妣和琴之樂以諧所從閱詩易之義以脩所  
職婦儀母訓垂五十年不一日違仁不須臾忘禮溫顏和氣物莫  
之侵朗識清機道與之接雅好黃老且精禪惠嘗謂要本無二  
教焉有三吾將貫之以一守以蓋生知免習而寤寐以之是以寢疾  
恬然臨終不亂謂生為旅舍謂歿為歸次而我行邁之得息焉  
壽六十有一終於洛陽毓德里之私第時貞元二年五月二十

九日二派溉泳殿中侍御史陸渾尉恭合祔之禮即命于蒼龜  
曰仲秋甲申吉先是溉泳執河南府君之喪一號三年既踰月  
而縣君繼酷雅知溉者以今之宰政與中朝賢卿大夫多溉之  
遊有時其養可待何昊天壓之之甚而縣君棄之之早蓋以  
可知者曰天與命相弔焉負則溉等瀆一作交之執也見託銘  
石其銘曰

北仰古原起新阡仁賢同穴閉下泉哀哀孝子不終養蒼蒼正  
色誰問天物之常久有貞石我以德音誌神宅千年丘隴不可  
期白日佳城俟來覲

崔太常長女墓誌銘

前人

崔氏長女名某先笄之某年不幸遘癘未幾丁烈考太常卿贈  
吏部尚書常山公難至哀乘之共迫正氣以貞元七年秋八月  
已酉夭於東都冬十月乙巳兄元方哀奉尚書從先相國于北  
印山以長女祔于尚書之側嗚呼女之生也乘高祖博陵王之  
殊勲曾祖禮部府君之令望先相國之盛業先尚書之重德何  
四葉垂裕合為禎祥與夫惡疾至性摧之不勝豈天之所助不  
能移定保命乎不然者烈祖顯考之德之一有惠也二字恐非純嘏以溢  
我我其收之且施之有年移之他族宜乎起家而居有公侯之  
位雅人之所歌韓姑者疇離之哉夫內則之美不傳于外禮也  
辱命於其兄者誌卒葬焉銘曰  
崔之九原實維印阜孝女祔先與天地久

王妣夫人弘農楊氏祔葬墓誌銘

權德輿

王妣夫人姓楊氏弘農人祖敏皇太僕少卿交州都督金鄉縣  
公父晏湖州武康縣令夫人始笄歸于王考府君府君名重而

薄家肥而身約仕至左輔尉中兵紀綱掾所與游者皆天下儁人賢士大夫

集作夫人是

無攸遂勸以義之道備焉天寶四年先太

保貞孝公既孤夫人慈仁訓育以文行紹續繇進士第授臨清尉薊縣尉安祿山之亂也以大節聞履險違難崎嶇色養戒跡

人事以扁舟為家至德二年夫人棄孝養於杭州富陽縣之行

次時四方兵交歲大疫江東尤劇未克歸祔此焉寧神先公號

吡崩毀因中風濕痺痛

集作痼

外除拜御史著作即皆以疾不祇

命大曆丁未德興丁茶蓼貞元戊辰再集艱棘餘生未泯積慶

所鍾因緣踐履叨冒崇大以歲時之不易事物之多久未遷神

心焉若摧言陰陽者利在印酉元和五年歲直庚寅德興忝太

常卿以明年之吉襄事既具其年猥忝宰執

集作政

禮不克就乃

建宗廟以嚴蒸嘗逮今十二歲在丁酉德興以校檢吏部尚書

理戎漢中拜章上請協用龜策啓先公先太君壽堂于丹徒啓

夫人壽宮于富陽得

集無字

七月壬寅祔王考府君兆域于東都

伊闕縣慈水之陽吉自杭抵洛凡二千五百里水陸安靜誠信無

違天之佑也惟尊靈幽閔周一甲子罪在孱菲宜當誅極而懿範

遺訓流光孕休閨門受祉施于孫子霜露怵惕如惓如醒又德

輿之生也後不獲逮事逖聽令聞靡詳萬一故合姓之紀歲棄

代之享年皆闕焉刻茲介石以永終古銘曰

惟王母之令德淑明柔克閨門延耀以引以翼王父安卑兮其

道未光先公大節兮易名章章伊孫之蒙駭不不獲逮事慶靈

流澤兮積累名器淝河湯湯轉車惟棠伊水之祔于幽堂萬有

千歲兮徽音不忘

獨孤氏亡女墓誌銘

前人

元和十年歲在乙未冬十月二十一日戊午故祕書少監贈絳州刺史獨孤郁妻天水權氏寢疾終于京師先福里嗚呼吾之女也故哭而識之惟吾門代有懿德至先君太保貞孝公以節大行為人倫師表故鍾慶于爾而又天闕其成此吾所以不知夫天之所賦也初笄有行未嘗父母兄弟考室同里常如歸寧始絳州以褐衣納采其後為侍臣史官更掌中外詔誥皆再命或三命十數年間便藩清近烜赫光大天下公議以宰政待之其後集作於閨門之佐君子供先祖嘻嘻申申有孝有仁乃者吾忝大任絳州居近侍而能婉約勞謙得六姻之和長信宮受冊命之歲與母於內朝序位環珮之聲相聞黨族榮之人情禮意熾微矩度言內則者以為折中戮夫絳州方強仕不淑爾又未練而歿年止三十一天之報施其何哉始稱未亡也懼貽吾憂

每歛感容而為柔色然以沉哀攻中竟不能支悲夫初先舅憲公有重名于時絳州生而孤不得逮事儻真真有知將同冗而養于下耶抑智氣在上歸之於合集作真莫耶吾不知也生子二人女一人長男前一歲未成童而夭次日晦生十年矣至性過人未其再丁荼蓼歟號罔極悔世父右拾遺郎茹終鮮之痛撫之如不孤貞于龜策得明年二月六日壬寅祔葬于東都壽安縣之某原宜琢墓石以永于後吾老矣豈以文為懼他人不知吾女之茂實故隱痛而銘曰

暘光未晝而湛奄兮植物方華以槁落兮懿吾女之淑令兮祔君子於冥冥已乎已乎吾不知夫神理之有無

相國右庶子崔公夫人河東縣君柳氏祔葬墓誌銘

貞元十有一年歲在乙亥三月丁丑故相國安平公夫人河東

縣君考終命于京師安仁里蓋春秋若干其孤曰懿伯號侍轉  
祿以十月庚午返祔於河南某原安平公之舊封禮也夫人姓  
柳氏代為河汾右族齊周之際中書孝公虬司會景公慶以匪  
躬厚行為北朝名臣孝公生止戈後周洛州刺史洛州孫皇海  
州長史憬憬生皇伊陽縣丞璿夫人之祖禰也夫人憑積厚之  
祉體柔嘉之姿既笄歸于安平公公始以處士納采至于佩相  
印三十年間內則彰聞嘗以命婦宜家䟽封於本郡又以中宮  
恤禮為位於內朝齊明以助祭慈惠以厚下諭程五采副笄六  
珈幽閑必聞於法度侈汰不萌於心術盛德發於身而被於族  
姻不可詳已始用和樂安於隱約約以淑均居于集作顯尊大  
君子之家肥道光其助弘矣既嬰未亡之痛深惟出世之法受  
微言於順師以蓮花普門為方寸津筏宜其永錫眉壽而為大

家今則已矣予一不知夫命也懿伯為左千牛備身純孝好學  
居喪得禮長女適弘農楊弘徵集作纒半歲有共姜栢舟之誓  
明識令行倫於古人幼女以衿褕來歸共承宗事故於夫人之  
道得周知之懿伯以陵谷之不可以不識哀請論譔大凡以乾  
元元年姓貞元二年受封安平公薨八年而夫人捐館集作其  
銘曰

於穆夫人徽柔淑溫儀于法集作德門蹈履內則六姻是式藹然  
慈仁魚軒煌煌珮玉鏘鏘威儀申申居貧且樂處貴逾約其道  
可遵不享天集作年奄歸下泉孰司陶鈞哀此孝嗣莞然無恃  
許于集作於蒼旻東周故園宰樹鮮原棠惟翻翻祔于幽窆刻是  
貞石厥聲長存

義武軍節度使支度營田易定觀察處置等使檢

校司空同中書門下平章事贈太傅上谷郡王張  
公夫人鄧國夫人谷氏墓誌銘  
前人

夫人姓谷氏魏郡昌樂人其先漢大司農永之後故義武軍節  
度檢校司空同中書門下平章事贈太傅上谷郡王張公之夫  
人也四代祖那律貞觀中仕至諫議大夫弘文館學士曾祖補  
衮左羽林軍長史祖倚相祕書省正字佐集作蘭錡以嚴禁株  
詳魯魚以考祕文猶未充其才則延擢於後考崇義天寶末以  
雄略氣敢從漁陽之師每建奇功亟摧北狄歷左武衛將軍左  
金吾衛大將軍累兼太僕殿中追贈特進懿是勲慶聚于夫人  
天資才明動合圖史早以衿鞶之誠于鍾鼎之門百兩以納采  
三月而助祭克洽中饋至于上公其於佐以純誠規以策畫超  
冠命婦之道叶贊守臣之勞者有焉建中元年疏賦於魏郡三

年從封於鄧國徽音法度列在命書貞元七年太傅薨于集作  
理所嗣子今義武軍節度易定等州觀察處置等使工部尚書  
易州刺史兼御史大夫延德郡王茂昭能業其勤載延其賞克  
家稟訓宣力撫封六官分職八命作牧震潭榮養用厚人倫魯  
侯燕喜方期壽考伯仲有裕稱於北河曳裾於邸第者三持憲  
於牙門者一貞元十一年以幼子銀青光祿大夫光祿少卿駙  
馬都尉茂宗既宗承築館之恩來俟執筭之慶方榮著代俄痛  
終堂以十二年二月丁卯寢疾歿于萬年縣安仁里享年四十  
九遺表以車服器用上獻王人就第申弔賜絹三百疋布一百  
端此又恩禮之有加也尚書以移孝在公遠竭誠信光祿以銜  
恤茹痛躬奉裳惟以其年冬十月甲戌得吉卜於京師少陵原  
不祔于太傅行古之道也生極井賦沒有寵賻息備終始以榮

以哀申命司言之臣採其淑行用琢婉琰銘于墓門銘曰  
鵲巢之德夫人之職輔于上谷啓是鄧國淑慎溫慧徽柔令色  
克大閨門施于燕翼萬鍾雖及九原俄即賦命有涯孝思罔極

衛國夫人李氏墓誌銘

前人

夫人姓李氏趙郡人前相國司空今戶部尚書燕國于公之室  
也曾祖仲思皇藍田縣尉祖琳河南府叅軍考復司農丞三葉  
名器卑而婚親族類為山東冠甲外曾王父裴丞相文獻公左  
右玄宗為時才臣外王父吏部郎中贈刑部尚書綜以文行著  
於清名舅族多賢與軒冕俱大中外積厚而生夫人興元元年  
燕公以南官即冕而親迎其後歷二千石九卿觀風貞師焯集  
彈耀弘大三公相印六職地征勤勞輔佐淑慎和樂鵲巢之均  
一椽木之建下采蘋之能循法度螽斯之子孫衆多實備有焉

晉令公侯夫人銀印青綾佩水蒼玉貞元三年夫人以外命封  
河內縣君十九年以元侯內子進衛國夫人廣大專靜尚柔含  
德不言而徽音自遠不擢而儀刑可像鍾郝之禮法為而不有  
姬嬴之地望有而不恃於六姻之中薰然以仁煦然如春推心  
以及物各得其所欲故燕公琴瑟友之鍾鼓樂之克順婦順以  
贊家道元和十年冬十二月甲辰寢疾薨于安仁里弟享年若  
干不求醫禱以順性命雖知道之君子所難能焉明年春二月  
庚申祔先姑之塋于興平縣之某原禮也嗣子前太子左贊善  
大夫正祕書丞方官季友某官某等永惟免於水火以至冠婚  
列在朝序率由慈蔭自惟堂至于遣奠哀敬有加燕公以德興  
於外族為表甥於中臺為同列嗒然之痛俾誌斯文公又命方  
等位狀往行始終詳實故如其論次繫之以銘銘曰

燕公之室弘是內則衛國攸宜淑明柔克環珮錚然蒸嘗吉蠲  
家肥族睦二十二年如賓之敬循道之性不慮不圖奄忽大病  
茂陸蒼蒼宰樹陰堂幽兮德耀不忘

前京兆府咸陽縣丞權公故夫人清河張氏墓誌銘

前人

夫人姓張氏南陽人曾祖鉉皇正議大夫恒州刺史祖重暉皇  
朝議監兼衡州刺史贈太常卿考伯禽皇銀青光祿大夫將作  
少大夫通事舍人奕代以大夫二千石班宣教化而先公贊謁  
在帝左右兄憑又以衛尉少卿簡玉傳世其官故表儀風訓家  
法延耀夫人承是吉祿生而懿美大曆十二年既笄歸于天水  
權公公時為馮翊縣尉其後簿登封贊咸陽佃翔於周秦甸圻  
集無此  
二字間皆用功次得調滿歲食貧則喜喜於衡華之下族屬

和而家事理抑夫人是賴資性溫重閨門整峻每中外六姻有  
嘉會喪禮必羞必赴周旋法度女士憲焉而不得鳴珣佩玉弘  
大中饋命也貞元十八年夏四月暴嬰疾厲終於京師新昌里  
春秋若干秋九月窆于某縣某原從吉筮也支子某等充窮杖  
集作  
收泣捧是圓石以不可不識命從祖兄子銘之其詞曰

在漢七貂族之盛兮常山衡陽休有慶兮父兄仍代贊名命兮  
展彼夫人來合姓兮徽柔靜專家道正兮生也有涯斯文病兮  
芻靈廣柳掩泉逕兮刻此貞珉彰淑令兮

文苑英華卷第九百六十七

登仕郎胡柯

鄉貢進士彭

叔夏

校正



文苑英華卷第九百六十八

文苑英華卷第九百六十八

誌三十四

婦人六

王使君夫人崔氏墓誌一首 許縣丞夫人常氏墓誌一首

何少府夫人盧氏墓誌一首 李少府夫人盧氏墓誌一首

柳贊府夫人權氏墓誌一首 王侍郎太夫人權氏墓誌一首

裴府君夫人柳氏墓誌一首 亡妻楊氏墓誌一首

朝議大夫洋州刺史王君夫人博陵縣君崔氏祔葬

墓誌銘

夫人姓崔氏博陵安平人皇鳳閣侍郎平章事博陵郡王玄暉

集作之曾孫禮部侍郎據之孫侍御史賁之息女洋州刺史瑯

琊王君澄之嘉偶崔氏自漢濟北長岑代為文宗王氏自晉睢

陵即丘繼生元臣二族之茂范尉宗休文推本言之矣重以母

后中宗之際石泉博陵二先正有經綸命代之材推戴格天之業延耀濟美為祥為祉為君子為女士合姓好述與他族不侔夫人未笄累失恃怙旁無弟兄血泣襄事奉二尊裳惟間閨道途自重陵抵洛邑哀敬與禮三者無違神佑純孝為宗姻所歎某年從父兄縱盛選鄉才故王君納采焉王君以才器政事連辟公府歷御史司直為河南紀綱掾改陽翟令入為尚書屯田即出刺洋州柔嘉左右叶是休德初洋州同氣八人名居集作位焯於當時冢婦介婦必華宗淑詰夫人贊宗事供先祀鼓琴誦詩姿操閑集作嫺雅奉上以誠羣居用和外言內言不越於閨朝服祭服必成於手洋州捐館二十年而夫人歿於櫟陽之別墅時貞元十九年秋七月某甲子蓋年五十一初洋州娶滎陽鄭氏生子曰造而夫夫人以繼室生子三人曰迺曰逵曰邁母儀均

養皆為良士造仕至監田尉迺脩詞與計偕逵邁咸以門資分佐環列哀號罔極泣問龜策以二十年冬十月某甲子祔于洋州之舊封先是洋州猶子興平尉源長受夫人之理命曰吾與爾二門積德奕代銘表必姿時文先舅之碑吏部郎趙郡李公實為之先君之誌從翁太傅文貞公實為之且以德與於夫人有通世之舊猥求論選泣狀遺懿實而不華是用采獲以銘內則銘曰

安平臨沂右族蕃滋仁賢是儀好合嘻嘻乃封故地象服斯貴諒無攸遂亦勸以義婦順彰聞母儀可尊肅肅閨門四男晨昏吁嗟風樹奄闕泉路魯人之祔皇辟之基鏤茲淑聲永識冥冥

湖州武康縣丞許君夫人京北常氏墓誌銘

前人

夫人姓集無常氏京北杜陵人楚傳漢相之後分封競爽以至

周鄭襄公孝寬為宗門龜龍曾祖某某官祖某某官父楚器皇太子宮門即其外族隴西李氏涼武昭王玄盛後魏司空文穆公冲隋絳郡公禮集作李成之世德與之從母姊集作姊也中外華

閱乃生淑詰幼失恃怙先太君保而養之猶女子子馬既笄歸

于其郡許授授循理喻義調常州義興尉湖州武康丞滿歲葺

田廬於霅溪之上忘懷進取夫人贊家道以供先祀誠伯宗而

饁糞缺許君之動靜無悔抑有助焉所從之祿甚薄不及偕老

徙宅教子宜家佐餒閨門之理有同嚴君才識所及過人遠甚

雖內外之言不越於閫而人事物理皆能折中焉凡結褵二十

五歲而之稱未亡人又十五歲而不舉大時元和二年正月某

甲子春秋五十九其子士儉謹敏屬詩書未與計偕者不忍違

養故也泣訪耆蔡得十月某甲子吉權祔于皇辟之封惟夫人

有姿操徽範不得被魚軒翟茀之飾獨振內則而傳母儀孝子

冢婦居喪率禮無違而哀有餘姻黨稱焉嗚呼孩提相長實均

同氣今視士儉猶吾之出焉士儉緘哀詞治集作理命請刻圓石

屑弟直書寄茲沉痛銘曰

士之積集作贊行未必豐祿有美夫人不登象服從夫也有德有

儀訓子也恩斯勤斯歡以義兮道之慈養未乃兮命奪之服在

總兮心若暮刻琬琰兮涕鈞洩集作流

洛陽尉何君夫人范陽盧氏墓誌銘

夫人姓盧氏范陽人曾祖仁皇相州錄事參軍祖不勤皇壽州

霍山縣丞父隨皇太原府祁縣丞三世冲晦皆不至大官故夫

人鍾其粹美生為墳則以既笄之年歸廬江何君官至洛陽縣

尉夫人有輔贊之美柔明之行誠順孝慈以內則為師故得六

姻之和而禮無違者乾元中何君早世夫人訓字諸孤動必以方長子士程為蘇州嘉興尉幼子士義孺行脩明或史集作或文克荷先構有女二人長適河東裴氏次適博陵崔氏皆奉母之訓宜其家室非尊之教之之至其及此歟以興元元年三月日考終命于嘉興年六十一士程士義等謀及龜筮以某月日權厝潤州未及返葬故也夫人即考功員外郎士幹之世母也予嘗接考功遊獲聞行實故不敢辭二孤之請刻石以銘之辭曰

婉彼夫人淑明柔克周旋動用率由四德不享蕃祉不躋壽域二連之哀哀何有極

潤州陽縣尉李公夫人北齊黃門范陽盧氏墓誌銘

前人

夫人姓盧氏范陽人北齊黃門侍郎思道之五代孫也曾祖悌皇高道不仕祖網皇城門郎父侑皇大原縣尉雖仕皆數命以至淪謝而皆飾行懿文有當時之譽明德奕世誕生夫人既笄嬪于李公為烏程丹陽二縣尉夫人居貧守約動必由禮謙敬以睦中外吉蠲以奉蒸嘗甘糲梁服澣濯中饋式叙和樂嘻嘻有嘉聞而無攸遂一紀于茲矣嘗聞善餘慶謙受益豈前志之謬歟將有必定之數歟既而奄忽遘疾不翌日而大漸以大曆十一年月日歿于丹陽之私第享年若干以某月日權厝于縣西之五里原後宜也生子數人早歲夭落今之存者女子三人長者生終六霜其次差以幼矣雖禮所未及而號不絕聲呱呱然行路為之憐戚公以為鼓盆傷神兩不中節而鍾情之哀可勝既乎且虞陵谷之變也乃命權氏甥德輿為之銘曰

去夏屋之渠渠兮即孤丘之峩峩往不可復兮沉痛如何薤露高里兮古有哀歌

睦州桐廬丞柳君故夫人天水權氏墓誌銘 前人

夫人姓權氏天水略陽人十二代祖翼前秦僕射安丘敬公其後至周隋間有佐命功伐荷茅土者三葉以至曾王父滑州匡城縣令伋本王父益州成都縣尉無待集作烈考許州臨穎縣令伋成都以大學進士擢第臨穎判入甲科皆以文學著名粹行純氣有以鍾下夫人生而敏異姿性端明懿行全識發於天授而和敬以事長慈惠以祔下窈窕德象動成儀度機鑿精辨而深自晦默伯中甥姪等每有疑理滯義多所認訪夫人不得已而後言言必中倫誠順之道自中形外外內族姻之中瞻其儀刑剛戾者順不仁者化以貞元二年三月集作月歸河東柳君

君為睦州桐廬丞方謂有魚軒象服之慶享偕者宜家之壽不幸遘疾痼以某年七月日終于桐廬之官舍享年若干自設悅至于屬續九族無間言終食無違德宜乎綏福履而介眉壽備祭服以參蠶館而迫阨終身莫申其道六姻安仰為善者惑豈善慶昭報之言妄作耶將壽夭淹速之度固有所定耶抑君奉其喪以某月日權厝于丹陽縣某原竇氏伯姊之塋次從遺旨也從父兄子德興一二羣從街茹永痛書實錄于基石銘曰采繁采蘋列於詩人恭惟淑明與古為隣嘉玉粹溫薜英氛氲集作淒風夜壑銷鑠埋淪命不可問兮從古云云追琢淑德兮益用識幽墳

戶部侍郎王公集作先太夫人河南劉氏墓誌 柳宗元

夫人劉姓集作其先漢河間王王有明德世紹顯懿至于唐有

文昭者為綿州刺史號良二千石其嗣慎言為仙居令光州長史克荷于前人光州一有夫之父也夫人既笄五年從于

北海王府君諱某府君舉明經授任城尉左金吾衛兵曹脩經術以求聖人之道通古今以推一王之典會世多難不克如志

卒以隲終夫人生夫子長曰彝倫舉五經早夭少曰叔文堅明直亮有文武之用貞元中待詔禁中以道合于儲后凡十有八

載獻可替否有匡弼調護之勤先帝棄萬姓嗣皇承大位公居禁中訐謨定命有扶翼經緯之績由蘇州司功參軍為起居舍

人翰林學士將明出納有彌綸變通集作通變之勞副經邦阜財之職加部侍郎賜紫金魚袋重輕開塞有和鈞肅給之效內贊謨

畫不廢其位凡執事十四旬有六日利安之道將施于人而夫人終于堂蓋貞元集有二十一年六月二十日也知道之士為蒼

生惜焉天子使中謁者臨問其家賻以布帛嗚呼夫人之在女氏也貞順以自處孝謹以有奉其在夫族也祇敬以承上嚴肅

以莅下事良人四十有九年而勤勞不懈生戶部五十有三年而教戒無闕年七十有九而戶部之道聞于天下為大僚垂紫

綬以就奉養公卿侯王咸集作造于門既壽而昌人集作世用羨慕然而天子有詔俾定封邑有司稽於論次終以不及時有痛

焉是年八月某日祔于兵曹府君之墓銘曰懿美有文有武弘我化理天子是毗邦人克生良子用揚夫之

人集作夫人德溫柔敬直承于陰教式是嬪則是望金章集作紫綬榮于高堂惟昔孟氏號為母師在漢稱賢有戒不疑懿懿一作

夫人維其似之山北之里集作中神禾之原問于靈龜閱此顯魂勒石垂休永永萬年

亡婦前京兆府叅軍裴君夫人墓誌

前人

柳氏至于唐其著者中書令諱爽中書之弟之子曰徐州府君諱子夏實有孝德世其家業清池府君諱從裕繼之以茂實德清府君諱察躬承之以善政以至于侍御史府君諱鎮用真信勁正達于邦家克生賢女以女集作配之于裴氏裴氏至于唐其著者禮部尚書諱行儉禮部之子曰侍中諱光庭嗣用忠肅書于國史祠部府君諱積業之以貞直以至于金吾府君諱倣用純懿端亮聞於天下實生良子以配夫人焉集作馬子嗚呼夫人與仁孝偕生以禮順偕長始於家純如也終於夫族穆如也其為子道也孝以和恭以惠取與承順必稱所欲先公集作君與夫人恩遇尤厚故夫人侍側無威怒之教焉天禍弊族夙遭大故我諸孤奉大夫人之養不敢圖死至于復常夫人三歲無陽沐無

盥酪頓踴叫號哀徹天地外除髮不勝筭體不勝帶太夫人泣

而命之內集作目猶不食朝夕諭誨僅而濟焉其為妻道也貞順

之宜恒服於身體疑忌之慮不萌於心術忿懼之色不兆於容

貌同焉而合於禮婉焉而得其正其為婦道也惟聽順謹敬睦

姻任集作仁恤之行甚備常以不幸不及舅姑之養用為大恨是

故相春秋之事眦滌濯羞簋簋勞以待且每怵惕之感至焉則

又移其孝子兄公女公集作裴氏之門而以睦于冢婦介婦必敬必親

下以不失其赤子之心姻族歸厚率由是也嗚呼我之大譴歟

裴氏之大不幸歟以夫人之德行宜貴壽宜康寧然而年始三

十不克至于壽良人官為叅軍事不及偕其貴骨髓之疾實鍾

于身以貞元十六年三月十三日甲子終于光德里第痛矣夫

始夫人之疾也夫人之族視之如已宗其家老長妾臧獲之微

皆以其私奔謁於道路禱神鬼問卜筮者相及也既病太夫人在側尚慮積憂傷于尊懷猶持形立氣終以少問故二稚未亂良人在遠不及有緒言遺念以傳于一作於後則我呼天之痛宜有加焉嗚呼天胡厚是懿德而闕其報施獨何心集作歎余一字非不知天之忍也既逾月良人至自洛師望門而哭曰無以立吾家成吾身矣凡生三子幼曰崔七先夫人八月而殞魂氣無不之化也次曰崔六後夫人五旬而夭因祔焉今其存者曰崔五幸無恙託于乳媪以虞水火哀哉其年八月十八日甲子安厝于長安縣之神禾原從于先塋祔于皇姑宜也母弟號哭而為之志毒痛憑塞略不能具敢告無愧辭無溢美庶用正直克安神心嗚呼至親集作哀無文至敬不飾故無其辭

亡妻弘農楊氏墓誌

前人

亡妻弘農楊氏諱某高祖皇司勳郎中諱元政司勳生殿中侍御史諱志玄殿中醴泉縣尉諱成名醴泉生今禮部郎中疑世集作代濟仁孝號為德門郎中娶于隴西李氏生夫人夫人生三年而皇妣即世外王父兼居方伯連帥之任歷刺南部夫人自幼年筭依于外族所以撫愛親遇者殆過厚焉夫人小心敬順居寵益畏終始無驕盈之色親黨難之五歲屬先妣之忌飯僧於仁祠就問其故媢傳以告遂號泣不食每及是日必遑遑涕慕終身抱之戚焉及許嫁于我柔日既卜乃歸于柳氏恭惟府君重崇友道於郎中最深髻稚好言始於善諛雖間在他國終無異辭凡十有三歲而二姓克合奉初言也夫人既歸事太夫人備敬養之道敦敦睦夫黨致肅雍之美主中饋佐蒸嘗沐湯之儀集作義表于宗門大夫人嘗曰自吾得心婦增一孝女况又



通家愛之如己子崔氏裴氏二姊視之如兄弟故二族之好異  
于他門然以素被足疾不良能集作良行未三歲孕而不育厥疾  
增甚明年以謁醫救藥之便來歸女氏永寧里之私弟八月一  
日甲子至于大病集作疾年始三十有三嗚呼痛哉以夫人之柔  
順淑茂宜延于上壽端明惠和宜齒于貴位生知孝愛之本宜  
承于餘慶是三者皆虛其應天可問乎衰門多豐上天無佑故  
自辛未逮于茲歲累服齊斬繼纏哀酷其間冠衣純采暮月者  
三而已矣無乃以是累夫人之壽歟悼慟之懷曷月而已集作矣字  
哀夫遂以九月五日庚午克葬于萬年縣栖鳳原從先塋禮也  
是歲唐貞元十五年龍集己卯為之誌云  
坤德柔順婦道肅雍惟若人兮婉婉淑姿鏘翔令容委窮塵兮  
佳城鬱閉白日兮之死同穴歸此室兮

文苑英華卷第九百六十八

登仕郎胡柯

鄉貢進士彭叔夏

校正

文苑英華卷第九百六十九

誌三十五

婦人七

河東縣太君盧氏墓誌一首 趙郡夫人李氏墓誌一首

裴海州夫人李氏墓誌一首 賢妃常氏墓誌一首

元長史夫人鄭氏墓誌一首 岐陽公主墓誌一首

先太夫人河東縣太君盧氏歸祔誌 柳宗元

先夫人姓盧氏謀某世家涿郡壽止六十有八元和元年歲次丙戌五月十五日棄代于永州零陵佛寺明年某日日安祔于京兆萬年棲鳳原先侍御史府君之墓其孤有罪銜哀待刑不得歸奉喪事以盡其志姪泊大夫人兄之子弘禮承事焉嗚呼天乎太夫人有子不令而陷于大僂徙播瘡土醫巫藥膳之不及具以連天禍非天降之酷將不幸而有惡子以及是也今又

集作

又無適主以葬天地有窮此寃無窮既舉葬紉猶以不孝集作首

之辭擬述先德且志其酷焉嘗逮事伯舅聞其稱太夫人之行

以敬曰汝宜知之七歲通毛詩及劉氏列女傳斟酌而行不墜

其有集作首汝宗大家也既事舅姑周睦姻族柳氏之孝仁益間

如舅氏之不自足而飽孤幼是良難也又嘗侍先君有聞歲惡

少食謂且曰吾所讀舊史及諸子書聞而盡知之無遺者某始

四歲居京城西田廬中先君在吳在無書太夫人教古賦十四

首皆集注諷傳之以詩禮圖史及翦刺緯結集作翦製縷結授諸女

及長皆為名婦先君之仕也伯母叔母姑姊妹子姪雖遠在數

千里之外必奉迎以來太夫人之承之也尊已者敬之如臣事

君下已者慈之如母畜子敵已者友之如兄弟無不得志者也

諸姑之有歸必廢寢食禮既備常有勞疾先君將改葬王父母

太夫人泣以莅事既具而大故及焉不得成禮既得命於朝祇

奉教曰汝忘大事乎吾冢婦也今也宜老而唯是則不敢暇抑

將任焉苟有曰吾其行也及命為邵州又喜曰吾願得矣竟不

至官而及於罪是歲之初天子加恩群臣以宗元任御史尚書

即封太夫人河東縣太君八月會冊太上皇后于興慶宮禮無

違者既州水至又奉教曰女唯不恭憲度既獲戾矣今將大儆

于後以蓋前惡敬懼而已苟能若是吾何恨哉明者不悼往事

吾未嘗有戚戚也而卒以無孝道不能有報焉喪主子歸七歲

而不果娶竄窮徼人多疾殃災集作炎暑煬蒸其下卑濕非所以

養也診視無所問藥石無所求禱祠無所實蒼黃叫呼遂遭大

罰天乎神乎其忍是乎而獨生者誰也為禍為逆又頑狠而不

集字于

得死逾月逾時以至于集字于靈車遠去而身獨上玄堂暫開

而目不見孤因窮繫魄遊心懷一作壞蒼天蒼天有如是耶有如是耶而猶言猶食者何如人耶已矣已矣窮天下之聲無以舒其哀矣盡天下之辭無以傳其酷矣刻之堅石措之幽陰終天而止矣

伯祖妣趙郡李夫人墓誌銘

前人

夫人姓李氏辨族姓者曰趙郡贊皇之東祖祖某為某官父冲為單父尉夫人生於良族嶷然殊異及笄德充於容行踐於言高朗而不傷其柔嚴恪而不害其和特善女工翦製之事又能為雅琴秦聲操縵之具婦道既備宜為君子之配偶焉我伯祖臨邛令府君諱某受夫人於李氏之廟而歸于正室臨邛府君之先曰我曾王父清池府君諱從裕清池之先曰徐州府君諱子夏又其先曰常侍府君諱偕常侍之兄曰中書令諱爽自中

書已

集作

上為宰相四世噫我伯祖以宗胃碩大而濟其德厚

夫人以族屬清顯而脩其禮範合二姓以承先祖為士者榮之故佐奉養承祭祀婦德用光家道甚宜無何伯祖終于臨邛而窆焉夫人從而返于淮許嗚呼我先府君每得仕未嘗不嘗不奉迎供養必誠必親男既立必使之有祿仕女必使之有家將嫁已子必先擇良士可以配諸姑者定然後議言仲父殿中侍御史府君由是志也夫生男一人諱某不幸終於宣州族德尉女三人皆德良壻隴西李伯和為揚子丞病痺廢痼而沒太源王紆今為右補闕潁川陳萇為校書郎渭南尉知名貞元十六年王氏姑定省扶持自揚州至于京師道路遇疾遂館于陳氏以諸壻之良諸女之養無不得意焉享年八十一是歲六月二十九日終于平康里自小歛至于大歛比及葬則二壻實參主

之有孫二人長曰曹即奉之以縑而正于位八月二十四日葬于萬年縣之少陵原實栖鳳原介于我先府君仲父二兆之間神心之所安也嗚呼嗣子甲天臨邛萬里以歲之不易未克合祔哀孰甚焉諸姑命柳州本宗元此諸本無此二字以為斯志以從人之道內夫家外父母且又葬于我志于我故叙柳氏為備銘曰

藹其芳壽且康大梁鷄火深幽光夙淪夫子嗣又喪平蒲集作

惟不復岷之陽兆靈趾栖鳳里良之山允之水靈之車當返此

子孫百代承靈祉誰之言者青鳥子

### 海州刺史裴君夫人李氏墓誌銘

白居易

夫人贊皇縣君李氏趙郡高邑人也六代祖素立安南都護五代祖休烈趙州刺史高祖諱志遠天官侍郎曾祖諱奮國子司業祖諱承工部尚書湖南觀察使考諱藩門下侍郎同平章事

贈戶部尚書夫人諱娥相國長女也適河東裴君克諒今為海

州刺史一子曰鐵在衛騎曹參軍一女適隴西李遂遂為壽州

錄事參軍田此而上得於國史家諜云夫人為相門之女邦君

之妻不以華貴驕人能用恭儉克己撫下若敬夫如賓衣食之

餘旁給五服親族之飢寒者又有餘散活集作沾先代僕使之老

病者又有餘分施佛寺僧徒之不足者澣衣菲食服勤禮法法

之外諷釋典持真言棲心空門等觀生死故治家之日欣然自

適捐館之夕恬然如歸寶歷三年三月一日疾終于海州官第

其歲十一月十四日歸祔于某所先塋享年五十有四夫人之

後悲君也歷官九任凡三十一年族睦家肥輔佐之力也由此

而上得於裴君狀云夫源遠者流長根深者枝茂噫李氏之世

祿世德有所從來矧相國端方廉雅孝友忠肅自從事彭城登

庸宰府不以夷險而遷其道宜乎居極位享賢名也夫人敬恭勤儉柔順慈惠自女於室歸於家不以初終而怠其行宜乎啓封邑光德門也裴君修文達政潔已愛人自佐邑從軍連牧二郡不以寒暑而易其心宜乎荷百祿號良二千石也嗚呼非此不生其此集作裴非是夫不稱是妻斯所謂類以相從合而具美者也論譔表誌其可闕乎銘曰

高邑之祥降於李氏相門之慶鍾于女子女子有行歸老集作我

裴君居亦良士宜賢夫人夫人雖歿風躅具存勒銘泉戶作範

閨門

賢妃京兆常氏墓誌銘

前人

德宗聖文神武皇帝元妃常氏諱某字某京兆人也曾祖某某官祖某某官父某某官妃即某官府君弟某女也母曰永穆公

主元和四年四月某日妃薨于某所以某年四月某日詔葬于

萬年縣上好里洪平原上悼焉哀榮之禮有以加等集作嗚呼

惟常氏代德官業族系昏戚有國史家謀存焉今奉詔但書地

及時與妃之所以曰賢之義而已貞元中沙麓集作鹿上仙長秋

虛位凡六御集作六九御之政多聽於妃妃先以采繁之職集作

識奉於上故能助霜露之感薦于九廟次以樛木之德逮于下

故能分雲雨之澤洽于六宮其餘坐論婦道行贊內理服必中

度故組紉有常訓言動必中節故環珮有常聲二十七集作七

年禮無違者冊命曰賢不亦宜哉永貞中集作貞號奉宮車誓

留園寢麻衣告朔蓬首致哀執匪懈之心侍集作奠於靈座脩

無上之道薦福于崇陵殆茲歿身不衰其志故葬之日掌文之

臣白居易得以無愧之詞誌於墓而銘曰

京兆阡兮洪原平兮歲已丑兮日丁酉兮唯土田兮與時日龜  
兮蒼兮借言吉哉新墳兮葬者誰德宗皇帝帝賢妃

河南元府君夫人鄭氏墓誌銘

前人

有唐元和元年九月十六日故朝集作文粹散大夫尚書比部

郎中舒王府長史河南元府君諱寬夫人滎陽縣大君滎陽本

無此鄭氏年六十寢疾歿于萬年靖安里私第越明年二月十

五日權祔于咸陽縣奉賢里洪濟原後先姑之塋也夫人曾祖

諱遠思官至鄭州刺史贈大常卿王父諱贍朝散大人易州司

馬父諱濟睦州司史夫人即睦州次女也其出范陽盧氏外祖

諱平子京兆府涇陽縣令夫人有四子二女長曰沂集作蔡州

汝陽縣尉次曰桓京兆府萬年縣尉次曰積同州韓蜀本作城

縣尉次曰鎮河南縣尉長女適吳郡陸翰為監察御史次為比

受殿中少監章金紫以元和八年某月日主下嫁于杜氏上御

正殿禮畢由西朝堂出節幡鼓鐸儀物畢備引就昌化里賜第

上御史喜樓駐止主輪尚書及賓侍酒食金帛奏內樂降嬪御

送行賜第堂有四廡績椽藻檀丹白其壁派龍首水為沼主外

族因請願以尚父汾陽王大通里亭沼為主別館當其時隆貴

顯榮莫與為比主實憲宗皇帝嫡女穆宗皇帝母妹敬宗皇帝

今天子親姑尚父汾陽王子儀外曾孫太皇太后始以正妃事

憲宗以太后太皇太后愛一作養三朝凡四十年德厚慈恕化

充六宮主以一女之愛降于杜氏逮事舅姑杜氏大族其他宜

為婦禮者不翅數十人主卑委怡順奉上撫下終日惕惕屏息

拜起一用集作家人禮度二十餘年人未嘗以絲髮間指為貴

驕始與尚書合謀日上所賜奴婢卒不肯窮屈奏請納之上嘉

嘆許可因錫其直悉自市寒賤可制指者自是閉門落然不聞  
人聲尚書讀書考今古治亂主職婦事承奉夫族時歲獻饋吉  
凶聘助必親自經手池塞館侈直爾關毬場種樹不數十年縉  
紳間雜然稱尚書為賢主為賢婦尚書旋出為澧州刺史主後  
尚書行郡縣聞主且至殺牛羊大為數百人供具主後後字集  
不二十人六七婢乘馱闌葺約所至不得肉食驛吏立門外舛  
飭食以返不數日集有聞于京師衆譁說以為異事尚書在澧  
州三年主始入後出中間不識刺史聽屏尚書治澧州考理行  
為天下第一後為大司農集非京兆尹鳳翔節度使朝廷屈指  
比數以為凡有中外重輕非尚書不可主賢益彰雖至官闈貴  
號亦加尊敬姑涼國太夫人寢疾比喪及葬主奉養蚤夜不解  
帶親自嘗藥粥飲集作不經心手一不以進既而哭泣哀號感

丘尼曰

二本

真一二女不幸皆先夫人歿府君之為比部也夫

二本無

人始封滎陽縣君從夫之之字貴也積之為拾遺也夫人進

封滎陽縣大君從子之貴也天下有五甲姓滎陽鄭氏居其一

鄭之動德官爵有國史在鄭之原派婚姻二本作源有家謀在

比部府君世祿官政文行有故京兆尹鄭雲達之誌在今所叙

者但書夫人之事而已初夫人為女時事父母以孝聞友兄弟

睦弟妹以悌聞發自生知不因師訓其淑性有如此者夫人為

婦時元氏世食貧然以豐潔家祠二本作訓傳為治訓二字二本作

夫人每及時祭則終夜不寢煎和滌濯必躬親之雖隆暑本

作寒之時而服勤親饋面無勞色其誠敬有如此者元氏鄭氏

之禮有疑議者皆質於夫人夫人從而酌之靡不中禮其明達

四字集皆大族合而為親二本無姻表滋盛一本凡中外吉凶



有如此者夫人為母時府君既歿積與積方齧亂家貧無師以

受業夫人親執詩書誨而不倦四五年間二子皆以通經入仕

積即作既弟判入等授祕書省校書郎屬今天子始踐祚策三

科以拔天下賢俊中第者凡十八人而積冠其首焉由校書郎

拜右二本拾遺不數月謹言直聲動于朝廷以是出為河南尉

長女既適陸氏陸氏有舅姑多姻族於是以順奉上以惠逮下

二紀而歿婦道不衰內外六姻仰為儀範非夫人恂恂孜孜善

誘所至則曷能使子達於邦女宜其家哉其教誨有如此者既

而諸子雖逮事二本任祿秩集作甚薄每至日二本作給食時

給衣皆始自孤弱者次及踈賤者由是衣無常主厨無異膳親

者悅踈者求故傭保乳母之類有凍餒垂白不忍去元氏之門

者而况臧獲輩乎其仁愛有如此者自夫人母其家殆二十五

年專用訓誡除去鞭朴常以正顏色訓諸女集無此字諸女諸

集無諸字孫諸子集無諸字孫其心愧若撻于市由是納下於少過致

家於太和婢僕終歲不聞忿爭童孺成人不識檟楚閨門之內

熙熙然如古時人也其慈訓有如此者噫昔漆室緹縈之徒烈

女也及聞婦則無聞伯宗梁鴻之妻哲婦也及為母則無聞文

伯孟氏之賢親母也為女為婦時亦無聞今夫人女美如此婦

德又如此母儀又如此三者其美可以冠古今矣嗚呼惟夫人

之道移於他則何用而不臧乎若引而伸之可以肥一國焉則

閨睢巢鵲之化斯不遠矣若推而廣之可以肥天下焉則姜源

文母之道集作斯不遠矣豈止於訓四子以聖善化一家於仁

厚者哉居易不佞辱以文粹夫人之幼子積為執友故聆夫人

之美最熟積泣血孺墓哀慟他人託為撰述書於墓石斯古孝

子顯父母之志也嗚呼斯文之作豈直為二本是而已哉亦使

文粹百代之下風夫人之風過文粹夫人之墓者使悍妻和器

毋慈不遜之女順云爾銘曰

元和歲丁亥春咸陽道渭水濱云誰之墓鄭夫人

岐陽公主墓誌銘

杜牧

憲宗皇帝即位八年出嫡女冊封岐陽公主下嫁于今工部尚

書判度支杜公悰始憲宗時宰相權德輿有婿獨孤郁為翰林

學士帝愛其材因命宰相曰我有集無嫡女既笄可嫁德輿得

婿獨孤我豈不得耶可求其比後丞相吉甫進言曰前所奉詔

臣謹搜其人因名我烈祖司徒岐公曰有孫兒悰年始弱冠有

德行文學秀朗嚴整臣嘗為司徒吏熟其家事官族世婚習尚

守治臣一皆忖量集作疑悰可以奉詔帝即尚書見與語大悅

動他人尚書後為忠武軍節度使所治許州創為節度府五十

年南迫於蔡居室卑痺主居無正堂處東支恬然六年許君

強雄且撐劇寇自始多用武臣治各在已部曲家人疵政代肥

反集法習為循常有司用此集作比邊障遠地擲置不問民亦

甘心尚書再治之老民相率兩走闕下遮丞相馬叩頭乞留請

樹生祠及詔追去攀緣携扶哭於道路尚書治外主治內尚書

所至必稱前士力為名公偉人主實有內助焉穆宗以太集

太皇太后故敬集作主尤為親信俯首益卑車服侍使愈自貶抑

覲謁溫清外口不言他事訖穆宗朝人不以親貴稱當貞元時

德宗行姑息之政王武俊王士真張孝忠子聯為國壻憲宗初

寵于頔來朝以其子配以長女皆挾恩佩勢聚少俠狗馬為事

日遮集無截馳道縱繫平人豪取民物官不敢問戚里相尚不

以為窮四字集作不為以為窮弱自主降于尚書壁絕外之初怒中笑後皆

敬畏累聖亦指示主德以誠警之至于今日集作主尚書顯重

於中外戚里亦皆自檢歛隨短長為善於是舊俗戢不復有尚

書自許奉急追詔主有疾小逾強不肯留曰去朝興敬集作宮慶是

縱死於道吾無恨以開成二年十一月某日薨於汝州長橋驛

享集作年若干上廢朝三日其年十二月某日主喪至京師比

及葬兩宮弔問相繼於道開成三年某月日上御正殿詔丞相

嗣復攝中書令正衙宣冊謚曰莊淑大長公主某年月日祔葬

于萬年縣洪原鄉少陵原尚書先塋禮也生男二人長曰輔九

年十歲次曰揚十始二歲女二人某於尚書為從父弟得以實

銘銘曰

章武皇帝唐中興主刑于正妃教及嫡女婉婉帝于下嫁時賢

影逐響答隨順纏綿杜氏大族枝蔓蟬聯上有舅姑高堂儼然

嫡綬龜章玉佩金軒養色悛意侍後承前人不我貴敬不集作我敬

我虔始終盡禮大小周旋餘二十年誰與間言貴不召驕不期

侈具集作是此四者倏相首尾自古名士或泥於此孰謂帝子超

脫擺棄婦職是勤夫言是指池荒館陟屏外不履淑德柔風天

下傾耳宜乎壽考歸女婚子不錫全祉孰提神紀幽石有誌顯

筆有史流于千祀

文苑英華卷第九百六十九

登仕郎胡柯 鄉貢進士彭 叔夏 校正

文苑英華卷第九百七十

墓表一

墓表

張法曹墓表一首

獨孤秘監靈墓表一首

權少監墓表一首

呂秘監墓表一首

柳侍御墓表一首

柳明府墓表一首

陸給事墓表一首

河南府法曹參軍張公墓表

獨孤及

有唐逸士吳郡張從師冲和純粹辯博閱達卓犖好古儻蕩逸

郡官不近名唯代耕是媒集作卓不絕俗以忘機為心秀才高

第起家臨漢縣尉歷馮翊伊闕二縣主簿乾元元年拜監察御

史御史中丞鄭旻集作之擁旄濟江辟為從事轉南府曹參軍

凡歷官五政享年五十八忘懷樂道終始以之攘臂於壽集作

祿声利得喪虧盈之間如浮雲無心野鶴獨立形全身與化俱  
 上元二年八月辛卯終于吳都私弟其孤惟儉惟靜能稟暮訓  
 弱歲皆精左氏穀梁春秋藐爾在疚零丁何怙季弟祕書省正  
 字曰從申迺茹天輪之哀謀及謀筮以是歲九月二十八日摧  
 窆于虎丘山之西原禮也初公祖損之隋大業中進士甲科位  
 至御史尚書水部郎損之生烈考法集作以碩學麗藻名動京  
 師亦舉進士自監察御史為會稽令文雅之慶施於集後昆故  
 擢秀才而衣繡衣者及公三葉君子以為榮少好學集無黃老  
 且脩禪慧晚節傳集作大經微言以遺三子三聖之學不墜於  
 地君子以為博恢諧不羈頡頏傲世視軒冕纓紱無非二字集  
 塵埃必也臨事能斷義形於色推賢達善不進不止君子以為  
 達當伊川啓戎歷陽為魚公力窘身陷者至於再涵泳涕鼎厲

揭橫流而跡無緇磷憂患不能及君子以為智宜享黃髮而升  
 青天乎降凶殲我仁人嗚呼先生往無返期談數清風詞林逸  
 韻墨池真草三事永絕凡今朋可勝慟集作手恐後代立壠將  
 平川澤相失求遺跡者莫知德音之所始乃志之以石永為靈  
 表

朝散大夫潁川郡長史贈祕書監河南獨孤公靈表前人

公諱某其先劉氏出自漢氏祖光武皇帝之裔世祖生沛獻王  
 輔輔生釐釐生定定生節節生丐丐生長子廣嗣王位少集作  
 子虞仕漢為洛陽令虞生穆穆生進伯為遼度將軍繫匈奴兵  
 少援不至戰敗為單于所獲遷居獨孤山下坐尸利單于加以  
 谷蠡王之位號獨孤部尸利生烏和烏和生二子長曰去卑為  
 右賢王建安中獻帝自長安東歸有李傕郭汜之亂右賢王率

其郡衛車駕還洛陽集無遂徙遷集無許後復集作歸國卒次弟

猛伐立生富集作論富論生路孤路孤生眷眷生羅辰從魏

孝文帝遷都洛陽為司州洛陽人始以獨孤二字集部為氏用

勲伐賜爵永安公位征東將軍定州刺史征東生萬齡官至廷

尉謚曰貞廷尉生稽字延平善左右射學窮匱之奧魏世祖初

從平滑臺以功授散騎常侍歷守冀定相三州時新定律令慎

選廷尉徵公拜焉再世為法守具以廉平不苛顯名當時榮之

加鎮東將軍薨謚曰文鎮東生歸辯聰而才又為鎮東薨贈大

尉尉生冀字希顏以博學待講東宮歷安南將軍定州刺史贈

司徒司空生永業以文武兼略佐齊主集作入洛定鄴都督幽

洛二州由行臺尚書令升司徒封臨川郡王語在齊史臨川王

生子佳在齊為勁武集作將軍在周為儀同三司在隋守懷朔

集作鎮握節死難贈并州刺史并州生義順武德中歷戶集作

部侍郎尚書左丞光祿大夫封洛南郡公洛南左千牛備身諱

元慶公之祖也千牛生朝散大夫定州長史諱思暎公之禰集作

父也二十三葉之德善鍾其仁集作於公公剛方廉清貞信弘

寬德克集作性和與四時氣侔非天下直道不行非先王之法

言未嘗言當出處去就之間非抑與不苟求與朋友交非同道

不苟合至若集無守王事臨大節非其正雖臨以集無大兵不

惧恪德危行居易中立不可得親不可得而踈讀書觀忠孝大

畧不探願索隱五字集作屬詞止乎禮義不主集作詠情性而

已大極元年詔舉文可以經邦國者宜勞使源乾耀以公充賦

時對策者數百人公與棗陽鄭少微特冠科首起家拜同州郃

陽縣尉歲滿受好時縣尉開元十四年玄宗初登封泰山注意

二千石令長以煦嫗下民授公益州温江令公治縣如治家明  
不至察威不至猛去煩苛繳統之政施德信刑禮以訓齊之温  
江人飲公之風化逋者復疲者悅善者勸不善者知耻益州刺  
史張敬忠以狀聞詔授監察御史轉殿中侍御史會權臣惡直  
斥去不附已者貶公廬州長史明年惡直者罷位公稍移武功  
令未到官病免二十三年除寧州司馬二十八年遷潁川郡長  
史初公為御史嘗以直忤吏部侍郎李林甫至是林甫當國常  
欲騁憾於我而五府三署每有高選郡公皆昌言稱公全才具  
各以臧文竊位自引由是免咎然十年再選位不離郡佐或勸  
公卑其道可以取容於世公曰可卑非道也屈伸天也非人也  
人如予何天寶元年加朝散大夫二年七月七日寢疾終於位  
春秋五十七位不尊壽不遐志不行善不報與其集作直虛語守

道者相弔以為痛是歲八月殯于郡東至德二年歲次癸酉按

鑑目錄當

十月十四日權遷窆于洛陽龍門山西岡大曆四年

五月十二日詔贈祕書監命卿之位錫於身後嗚呼哀哉夫人

河南洛陽人也薛國長孫公覽之玄公咸陽丞諱頊集作頊府君

之女右集作左金吾將軍諱子哲府君之妹稟元元和生知孝慈

含德之厚與坤體合執筭助祭四十餘載人莫見夫人喜怒之

容躬勤集作敬非順承動合集作叶禮經宗族以睦長幼以叙無言無

為化成于家公之加命服也夫人封雍集作封丘縣君汜等既孤

夫人棄采蘋之度脩釋氏教授正觀法于長者比丘尼六字集

老比上方服勤一年得四念處三昧視去諸結猶棄涕唾至德

二年隨子東征明年歲在甲戌集作戊戌七月二集作此字十四日終于

會稽享年集作壽六十有四八月某日權殯于雷門之南泥巨及

正等遭天不弔無怙無恃以世終坎壈不克遷祔者十一年矣  
欲報顧復天胡有極今年門宅兆于前都水使者張係係卜其  
泉東伊水西甘泉鄉之泉吉謹以歲次己酉秋七月壬午遷公  
夫人靈坐合安厝于此原猶惧人世陵谷集作陵之不我期也  
故不敢不志收集作血勒石以遺後嗣

著作郎贈祕書少監權君墓表

李華

君姓權氏諱臯字士繇天水人符秦尚書僕射翼之後世為著  
姓祖某某官父某某官咸有令德君既冠進士及第試臨清尉  
時節將三字折本文粹作持節兼本道使籍君高名表為薊縣尉充判官  
無何主將以逆節露君乃詐死使一作抹親涉江既免禍累知機  
其神先帝聞而歎之除評事御史方議大用屬太夫人病危君  
侍奉憂勞因中瘡疾無何太夫人終君泣血三年厥疾用加外

一作服

除遷起居舍人著作郎大曆元年四月某日不幸逝於丹

徒因殯焉享齡四十二嗚呼識者慟哭聞者痛心君有大節不  
可度大名不可掩大才不可及大行不可名天與之仁不與之  
年哀哉自開元天寶已來高名下位華方疾不能備舉然所憶  
者曰河南元君德秀元終十年而南陽張君有略張沒二年而  
君大君一作元是之志如其道德張之行如其經術君之才如其聲  
望其人淪其粹乎六經一作倫其粹公素與昌黎韓愈深京兆王鎮卿  
泊華友善韓評君曰可以為宰輔王評君曰可以為君保華評  
君曰可以分天下之善惡一人而已矣夫人隴西李氏仁賢有  
一子某生七年矣哀禮過成人嗚呼有後哉朝廷贈君以祕書  
少監悼賢也華因病風扶曳浙本文粹作曳杖而往哭之嘗聞師乙之  
言溫良而能斷者宜歌齊權君可為一作謂溫良而能斷者也故



為齊風表君之墓云

忠於其一作國孝於其一作家潔而不滓瑜而不瑕仁胡不壽

為善者何君不幸耶時不幸耶一作皆唐文粹

外王父贈祕書少監東平呂公神道表銘 梁肅

公之先出自姜姓大岳之胤也唐虞之際佐治洪水有功以能

為禹股肱心膂命曰有呂氏洎太公誓蒼雉一作平商牧相公

責苞茅匡周道傳國七百列于春秋漢興以勲威在侯服者二

十人臨泗侯之孫通於東平其後國除為郡著族元魏未有汶

陽公思禮者扶翼周文開霸關右歷行臺右承兵部尚書時魏

分為西東中夏擁隔遂居于河東今為蒲人也從尚書四葉生

璉皇朝晉陽令贈柳州刺史柳州之嗣曰仁誨以文學稱與從

父兄太一俱用射策甲科大一歷御史尚書郎中書舍人戶部

侍郎右庶子仁誨由成王文學轉岐王府屬累遷右庶子金吾

中郎將資州刺史除許州未拜而夢以集無此孝行聞仕至太

僕丞加朝散大夫太僕生公公諱某字某少淳茂有至行居太

僕府君憂泣血三年鄉黨稱之制終制古文尚書左氏春秋二

十舉孝廉補博昌主簿歷任營丘文安二丞宣勞使以清白薦

試守洛水令公為政務仁恕去苛察密化旁流邑中移風再歲

正除加朝散大夫八姓簡退不以善自名且不樂為吏秩未滿

移疾罷去居于濟源王渥山之陽常言君子之道不從俗不離

群幼安抗迹而傲世慈明濡足以救民曷若中行以全吾真由

是道遙樂道以添園鶡冠之言為師時閱歷代史究興敗治亂

之端叅以立身行道之義著書十餘卷集作號續呂氏春秋草

藁未就屬寢疾捐館享年若干時開元二十五年也永泰中嗣

子某位朝散大夫右兼善兼陳州長史尋檢校祕書少監兼徐  
州別駕因詣闕拜章乞迴所授賜命于先人詔追贈公太子中  
允謝恩之際又以公所著書上聞遂改贈祕書少監後十有三  
載歲在某辰某月日龜筮襲吉始安宅于其鄉里之原江夏郡  
夫人黃氏祔焉夫人漢太尉琬之裔孫皇朝大將軍懷州都督  
號公君漢之孫沂王府長史號國公承源之女洪州刺史京兆  
常同之甥有溫孝仁愛之德勸義垂訓之美後公七歲而終公  
之追命於是有江夏之贈嗣子祕書痛先君先夫人歿世寤遠  
音徽將昧常欲立貞石傳德風蓄成未申先是祖謝小子再拜  
受命於太夫人且成伯舅一作之志恭論外祖之烈以示後嗣  
揚憚傳太史之書久慙庸陋韓康感中軍之愛空想生平道道  
集作在茲乎集作以表墓文曰

赫赫有呂肇發于漢既協大禹亦亮武王營秋開地東平傳嗣

書之勲集作尚有焯名位中郎伯仲允迪斯集作貴寔生祕

書含道蘊粹仁為己任孝亦天至論經一作八覽文叅六義三

邑之佐清恭廉貞鳴絃作宰休有清聲退謀於道爰晦其明體

順集作保和遺榮集作入冥春闈中允蓬山貳職連往時來退

榮隱德集作振彼德集作江夏光敷內則不及象服空垂燕翼太

行之右清濟之北外孫紀辭以志北域

殿中侍御史柳公墓表為會葬柳宗元

唐貞元十三年二月庚寅葬我殿中侍御史河東柳公於萬年  
縣之少陵原公諱某字某邑居於虞鄉曾王父某官王父某官  
皇考某官奕世餘慶叢而未稔濟德流祉其後宜大秀而不實  
為善者惑嗚呼哀哉惟公敦柔峻清恪慎端莊進止威儀動有

恒常

一作度

英風超倫孤厲貞方居室孝悌與人信讓當職強毅

遊刃立斷自少耽學頗工為文既窮目力又繼以夜鄉里推擇

敦迫上道乃與計偕來遊京師親集作觀藝靈臺貢文有司射策

合程遂冠首科休有令聞群士羨慕居數年授河南府文學教

勵生徒選擇貢士孺黨相賀庶人觀禮秩滿渭北節度延為恭

佐總齊軍政甚獲能稱加太常寺協律郎既喪主師罷歸私室

方將脫遺紛埃退與道俱冲漠保神優柔疑儒四方聞風交馳

鵠書載筆乘輅乃作叅謀出入朔方陪佐戎車遷大理評事又

加章綬朱裳銀印宗黨有耀權略密勿潛機理集作照完彼亭

堡時其講教實從我謀隣國是效改度支判官轉大理司直出

納府庫頒給軍食下無讐蜀本歛黔首休息月校歲會莫不如

畫軍集作庫豐財羨制成計得又遷殿中侍御史度支營田副史

分閫之寄叅制其半柔以仁撫剛以義斷戎臣坐肅公堂無事

朝端延首方待以位既而祿不及伐水政不獲專達以某年正

月九日遇疾終于集作於私館享年五十嗚呼痛哉奔驥騁力中

塗踈足高鴻輕舉在雲墜翼凡我所知哀慟無極本道節度尚

書郎寧王張公震悼涕慕不任于懷臨遣牙將試殿中監李輔

忠監備凶禮賻甚厚行軍司馬侍御史常重規等匍匐救助事

用無闕丹旒素車歸于上京撰期定宅莫有慙素故友諸生宗

人外姻號慟會葬哀禮咸申克窆玄堂掩坎廣輪顧眄無依排

徊增哀願勤休聲延垂後賢於是汝南周君集作公巢等相與琢

石書德用圖不朽文曰

抱元淳稟粹和既強毅又柔嘉登儀曹擢文章司學徒孺風揚

自渭北來朔方戎政閑懸首康冠會文垂朱裳才不施天茫茫

利樂石篆遺芳德集作延休烈垂憲則於萬年長無極

弘農令抑府君墳前石表辭

前人

少陵原柳氏之大墓唐貞元十九年某月日孤某奉其先府君  
洎夫人之喪祔于其位由新墓而難若平步曰高祖王父蘭州  
府君諱某字某之墓又東若平步曰曾祖王父邠州府君諱某  
之墓西若平步曰祖父王司儀即府君諱某之墓咸異兆而相  
望昭穆之有位序壤樹之豐殺皆如律令府君諱曰集無日某  
字曰某由父任為太廟齋郎更許昌陽武伊闕華原尉王屋丞  
汝陰令為弘農二年推其誠心裕手其人闢土生穀若有天相  
之道衣食給足故人不礼天教厲明具故俗不爭奪遂以洽于  
大和事理克彰刺史盧祀加禮褒旌考績絕推君之政風于下  
邑命吏部尚書即庾河南受命黜陟狀君理績殊異宜昇天朝

帝有歎焉有圖優昇命用不長年五十五建中二年某月日卒

于官以某素廉家之蓄不足以克凶事遂殯於是邑仍會危難

至於今乃克返葬孤某嘗為黔錄事參君今無錄事而集有不忘字

敢緩初君娶司農少卿京兆常山之子一作孫涇陽主簿迴智之

女德容溫良大曆二年某月日卒於越而假葬焉孤某徒行自

越舉夫人之喪至於號舉弘農君之喪咸至於喪窆焉既窆立

石表於壙集作墳前示後之人以無忘孝敬嗚呼世有難仕于外

而葬其族者希矣孝子之心有待駟馬五鼎而足不至者焉若

今之殺衣黜食寒妻子飢僕御終身由之而忘益不鮮為族人

徒跣萬里以厄困終事孝之難孝歟五十而慕者舜也祿三集無

此千鍾而悲者曾子也聖且賢難之若是今之人有由其道者

得不立於世乎

給事中皇太子侍讀陸文通先生墓表

前人

孔子作春秋千五百年以名為傳者五家今用其三焉秉觚牘  
焦思慮以為論註疏說者百千人矣攻訐狠怒以辭氣相擊排  
冒沒者其為書處則克棟宇出則汗牛馬或合而隱或乖而顯  
後之學者窮老盡氣左侍右顧莫得而本則專其所學以訾其  
所異黨枯竹護朽骨以至於父子反傷一作夷君臣詆悖者前世  
多有之甚矣聖人之難知也有吳郡人陸先生質與其師友天  
水啖助泊趙匡能知聖人之旨故春秋之言及是光明使人小  
童皆可積學以入聖人之道傳聖人之教是其德豈不侈大矣  
哉先生字某既讀書得制作之本而獲其師交於是合古今散  
同異聯之以言累之以文蓋講道者二十年書而志之者又十  
餘年其事大備為春秋集註十篇辯疑七篇微指二篇明章大

中發露公器其道以生人為主以堯舜為的苞羅旁魄轄下上  
而不出於正其法以文武為首以周公為翼揖讓升降好惡喜  
怒而不過乎物既成以授世之聰明之士使陳而明之故其書  
出焉而先生為巨孺用是為天子爭臣尚書郎國子博士給事  
中皇太子侍讀皆得其道刺二州守一本無人知仁一本作永

貞年侍東宮言其所學為古君臣圖以獻而道乎上是歲嗣天  
子踐祚而理尊優師孺先生以疾聞臨問加禮某月日終於京  
師某月日葬於某郡某里嗚呼先生道之存也以書不及施於  
政道之行也以言不及繩集作其理門人世孺是以增慟將葬

以先生為能文聖人之書通于後世遂相與謚曰文通後先生

集作先若干杞有學其書者過其墓哀其道之所由作乃石以

表碣本無

文苑英華卷第九百七十

登仕郎胡柯 鄉貢進士彭叔夏 校正

...

...

...

...

...

...

...

...

...

...

...

...

...

...

...

...

...

...

...

...

...

...

